

山
左
金
石
志

山左金石志卷第十四

岳廟碑記碑碣都御史督修北漢等處事項鑿刻前東巡撫加三級學士
內閣學士兼禮部郎中巡視行差齊潤開基提督汎資政前東巡撫加三級院元
同撰

後梁石

小蓬萊題名五種

乾化元年刻書體詳後在泰安縣王母池北小蓬萊

一題蓮句龔口口巡山李元英主簿顏志道縣尉陳聖微
同觀辛未改元後二日題正書五行左讀字徑二寸五分
運句卽句當之官與巡山官名皆刲見於此泰安志云石
刻皆無年號攷宋金元無辛未改元者惟後梁開平時辛
未改元乾化此當屬後梁也

一題巡山李元英鉅鹿簿張伯陽濟陽掾張君猷同主觀

張義之遊正書五行左讀字徑二寸二分

一題壬申秋社日主簿顏志道尉楊子章同觀主張義之
到是峪水聲寒玉山色迷靄深得仁智之趣觀夕陽忘歸
是日濟北王仲父題正書五行左讀壬申爲乾化二年

一題巡山孫明叔法掾楊子平弟尉子章同觀暴浪癸酉
六月拾式日顏志道記八分書六行左讀字徑三寸暴浪
卽飛瀑癸酉爲乾化三年

一題蘭陵東元伯與姜子正蘭思復馬齊叔韓公權張義
之同遊甲戌孟秋望日題正書五行左讀字徑五寸甲戌
爲乾化四年縣志誤以甲戌爲宋元祐年者由未檢同遊
張義之已見前二段也

常清淨經石刻

貞明二年四月立凡二石俱正書高一尺一寸廣一尺六寸在淄川縣開元寺

右刻首題雜大梁貞明二年歲次丙子四月乙酉朔廿一日乙巳建次刻經文及施主姓氏每石十六行字徑七分道觀刻經版見于此乾隆四十五年縣人高廷謀得于東郭外土中移置今所

後唐石

伏羲廟碑

長興四年十二月立碑高四尺八寸廣一尺三寸在滕縣

染山伏羲廟

右碑文十七行兩旁又刻施主姓氏七行字體大小不一額題染山耶娘廟碑記正書七字碑文鄙劣書體多訛茲

皆不錄

張行久石幢記

清泰元年五月立正書石高一尺五寸廣一尺一寸在益都縣東北三十里大尹村三官廟

右幢刻記共十二行字徑六分畧云大唐青州益都縣清泰元年歲次甲午伍月下闕平盧軍節度同經略副使張九字行久裝塑釋迦牟尼佛并阿難迦葉及觀音世志陪陸及護法神王供養等伏願國泰人安四方無事合家清吉長幼無灾鄉隣姻眷並保安康一切有情同沾福利云云末題文聳前口淄州長史兼侍御史劉恕書段赤亭云五代房知溫傳稱知溫鎮平盧會廢帝起兵鳳翔知溫使司馬李冲覲之廢帝已入立冲卽奉表稱賀還勸知溫入朝廢

帝慰勞甚厚知溫還鎮封東平王給鹵簿鼓吹輶車法物
是清泰元年平盧節度使正房知溫也又云知溫在鎮常
厚歛其民積貲鉅萬治第青州南城出入以聲妓游嬉不
恤政事天福元年卒于官其子彥儒獻其父錢三萬緡綉
布三萬疋金百兩銀千兩茶千五百斤絲十萬兩拜沂州
刺史其將吏分其餘貲者皆爲富家云行久當時爲知溫
副使意必代爲掊克沾其餘潤者而乃佞佛祈祐且及鄉
黨姻眷然唐祚二年卽亡不數年青州楊光遠叛符彥卿
以兵討之自夏至冬城中人相食殆盡所謂福利者果安

在哉

登州刺史淳于公神道碑

無年月正書篆額碑高七尺一寸廣三尺在黃縣城東北

二十里淳于髡墓上

唐故登州刺史淳于公神道碑

額三行字徑二寸四分

唐故□□□大夫檢校尚書左僕射使持節都督登州諸軍

事登州

下闕

將仕郎檢校尚書機

下闕

□□□享國延長袞孫蕃茂口姜分姓始於姜□□朝□地受
封

下闕

□□□洋溢青編代有其人不可勝紀暨隋

下闕

□□□朝爲萊州刺史封燕國公蔭緒口勲

下闕

□覽之口不□□口之驥

下闕

直善於知口器之興宗家範

下闕

則龍蛇文闢口故晉國口公爲

下闕

勲廣平作牧公爲國家

下闋

緋會口口之口爲口口國之

下闋

甫以解圍賴彈

下闋

節口口口以寄

下闋

績口口口受代陝

下闋

曰可口口矣固知彼有人焉

下闊

列載知已之恩口口已屬於

下闊

之在人舉無遺策復

下闊

部尚書從晉公之

下闊

府謀策職在口公口公既授節託公

下闊

魏王舊國口口仙鄉非開達無以撫

下闊

迎奉急徵詔曰爾頃佐元勲口國

下闊

恩之節詔到便可赴闕別行委任公捧詔

下闕

口口寧戚之懷難抑幾終禮制便欲徵還

下闕

口口口之規併察頒條之政歸貝與圭

下闕

口口之盛口口無倫先是所部狂發縱口口民口公至

下闕

上闕禮以遇物

下闕

以下二行全泐

上闕靖下闕

上闕公而終公

下闕

上闕百口状

下闕然下闕

上闕故太子少口口公口之

下闕

上闕於口口可口口清師口尉

下闕

上闕感慨天子口口其

下闕

以下四
行全泐

右碑文約三十七行大半殘闕案淳于爲妻姓之後登州望族也密州安邱縣卽古淳于之國以國爲氏者通志氏族畧云唐時人憲宗嫌名改稱于氏故唐代無淳于入史傳者此碑頃題唐故登州刺史淳于公共爲後唐所刻無疑惟歐薛一史除淳于晏之外別無可考晏之事迹與碑所載亦不同府志以此爲齊淳于髡墓及立碑者爲髡之裔孫左僕射晏皆未確也

左僕射房公墓碑額

篆書石文二尺四寸廣二尺三寸五分在兗州府城北石馬村

右額漫泐殆盡可辨者祇大公二字以意度之當是十六

字分四行大字乃首行第一字公字乃四行第一字縣志
載後唐尚書左僕射房知溫墓有御祭碑文當卽此也知
溫爲元齡八世孫

房公心堂記額

篆書石方廣一尺三寸五分在兗州府城北石馬村

右額題後唐故□□□房公心堂之記四行字徑三寸五
分亦房知溫墓上物也不曰大唐而曰後唐疑爲後人所
刻以無年月可攷姑坱前石之後

三郎君廟殘碑

無年月正書石高二尺五寸廣一尺四寸五分在泰安縣

泰山王母池右老君堂東壁

重修

三郎君廟碑 將仕郎前守大安府大安縣尉楊宏

泰山巖巖鎮茲東土宗長列嶽峻極于天天降明神而下

天齊王卽其主也郎君卽王之子也別有廟宇畫丹

闕下

之音變化無窮陰陽不測年代漫遠靈異彌彰周環

闕下

藻棁之文塑像圓形乞靈徼福未有不如響之應聲者

闕下

難遂整俸錢建立碑碣怪異事蹟無不具載頃歲以藿

闕下

石文字錯亂磨滅不可復知近有工人追琢望珉訪尋

闕下

申使府請詞以紀其事

留後僕射瑯琊王公樂善好文稽古博雅久安祿位

闕下

寵光初臨是邦方思荷理謾聞其事忻然慰懷上欲副

闕下

聖君敬神明之心下乃資生民祈恩福之意遂令虛薄

闕下

群嶽之長空三東岱之雄空三天系建號

闕下

右殘碑已作墮築之用乾隆乙卯春段赤亭訪碑泰山子

老君堂始搜得之年月裁損無存首行題重修三郎君廣
碑聶氏泰山道里記云岱廟配天門東爲三靈侯殿又東
爲炳靈殿文獻通攷後唐長興三年詔以泰山三郎爲威
雄將軍據此則三郎之稱始於後唐碑又云僕射王公初
臨是邦云云志乘於唐宋宦蹟率皆從畧無可稽攷惟僕
射官銜五代時猶有用之者因附于淳于公神道碑後

後晉石

東明寺碑

天福二年七月立正書碑高四尺六寸廣二尺三寸在濰
縣城西十六里永平社東明寺

右碑首題維大唐天福二年歲次丁酉七月辛亥朔二日
壬子青州北海縣高陽鄉明村人都維那麻浩云云文凡

二十三行字徑八分後半列施主男女姓氏皆漫滅天福
爲晉高祖年號而碑仍題大唐不知何故縣志未詳五代
沿革據此可知後晉時亦爲北海縣屬青州也

冥福寺經幢二種

年月尺寸詳後俱正書在泰安縣岱廟東偏冥福寺

一高三尺六寸圍五尺七寸五分凡八面字徑六分所書
金剛經次序殺亂第一分前題二行云金剛經幢一座請
口口明鏘記天福二年三月口日王繼美書

一高二尺五寸五分圍五尺一寸凡八面字徑七分未詳
何經末題二行云天福六年歲次辛丑正月辛酉朔二十
五日乙酉授太保使持節密州諸軍事行密州刺史兼御
史大夫上柱國清河郡開國侯

下闋

以上二種皆據拓本錄之不知是二幢抑一幢分折爲二
也縣志載金剛經幢天福六年正月書在冥福院今驗刻
金剛經者是天福二年其六年者別是一種耳

奈河將軍廟碑

天福六年三月立正書碑高五尺八寸五分廣二尺四寸
五分在泰安縣城西南奈河將軍堂前南向

濟州建奈河將軍堂記

額正書三行徑三寸許

太嶽奈河將軍廟堂石記銘 鄭貢進士劉光度撰

詩云太山巖巖惟魯所瞻標群嶽之首隱衆靈之府靈者神也
神生於無神之神陰陽不測而爲神日月照耀而爲明無神之
神者至道也道德經云杳杳冥冥於中有精恍恍忽忽於中有一
物此之謂也天福六年三月十七日新濟州岳社頭郭肇專智

以金門貢藝玉署呈才風雲雅作於二龍奮躍素高於雙驥副
冠頭郭肇口情涵珠海鑒澈冰潭貯茂異以盈懷抱才實而鏘
志因乘暇預同慕勝遊陟彼口原共觀橋舸飲酒酣暢而相與
言胡不聞賈誼云生口也若浮生死之也若休莊周云生之也
道行死之也物化人口短分定豈不在乎神明哉遂乃拱志修
崇歸心祀享結集

岳社化彼邑人不朞月間惣四十戶至天福元年三月十日社
衆西自新州東之太口遠俗牢醴克置羞薦無愧叨僭惟竭至
誠但有遺曠庶幾增建竊見宮宇炳燿峯巒迴合空六尊神象
列侍者星繁唯奈河口元非靈廟是以歷覽林藪屢蹈河壠東
望則天之壇西臨鬼仙之洞疊障重巖倚其後飛雲流水枕其
前得此一方實爲殊勝是以擘畫砂礫口口口任便裁基隨

宜鄉跡召公輪於魯甸招匠石於郢郊截崛竦之花松斬新口
之文栱奇材異石窮神役思以蘊崇碧瓦銅埠盡心畢力以駢
集口口口秉研爭工不異於雷震劇木飛繩竟巧可同於電捷
天福三年五月十日建就堂一所三間四下栱週廻行牆二十
四堵門樓一所悉以粉飾藻繪秀麗精華取金碧於十洲運丹
青三島香寶綺井返植蓮荷畫棟琿梁高橫蟠螭翠欄朱納亭
亭而日麗九天複道重階落落而露凝五色天福五年三月九
日迎入

將軍夫人真形兩座廝兒妮子兩人夜父一對郭肇等命以口
者告厥成功釀酒焚香虔誠啓仰忻然應變但覺醜顏迴風遙
墮實謂神降此則天意人事聖道合符體乎元元不可窮紀光
度學輸鍾會才謝邱遲堅讓不從輒敢承請是以凝元扣寐口

簡口毫力課短懷用旌刊飾銘曰

瞻彼奈河泉流清清噫彼逝人魂飛冥冥善惡斯作禍福隨情應業受分歷跡厥靈

將軍英靈祠堂岱築一氣散化万神應地事有克彰物無不照輔贊天孫口室畱峭空三優遊高士放曠清人預拂陰德思振芳塵物景代謝事跡相仍成此廟貌永司其津

天福六年歲次辛丑三月辛酉朔十七日己丑口口

右碑凡二十四行書多別體且有脫誤處皆不諳文理者所致奈河今作漆河在泰安城西南二里縣志載靈派侯廟在迎旭觀西其神舊稱漆河將軍宋真宗東封賜封靈派侯廟創於後晉天福六年卽此碑所記也顧亭林山東考古錄云漆河水在高里山之左有橋跨之曰漆河橋世

傳人死魂不得過而曰柰何此與漢高帝云柏人者迫於人也意同

陳渥書陁羅尼經幢

天福六年七月立正書石高二尺八寸圍三尺二寸五分
在青州府城西門內閭王廟後田間

伏聞至聖至靈口其唯我

將軍口鎮三口口四口口口廟臨澠水威振海隅

下闕掛

上闕大啓發生口口而廼年年口稔歲歲豐登莫

下闕掛

勅贈 將軍官口口額口口於東西兩廟相次八載

下闕連正

祠遂發口誠剏修廊宇口一□□口一二百之口發普願

下闕

廟主大王福位口□□口壽

下闕

口步都虞候忠勇口衛功臣檢校吏部尚口口口大夫上柱國

郡公前口口口口口大夫

下闕

上闕大使王知立

口兵馬口口口謙

討擊口充兩番通事

知庶王知岳

前亳州長史銀青口口大夫檢校太子賓客兼

下闕

上闕工部尚書兼御史大夫口口口都尉張口口口口使功

臣散都頭史重貴

口口口口務使銀青光祿大夫檢校右

上闕兵馬使

下闕光祿大夫檢校太子賓客兼御史大夫口漢

崇押衙充都口口使臧口口

前押衙口

下闕

上闕淄州長史

下闕

吳越鎮海軍討擊使兼監察御史顧承

威故隨使押衙副知客李光昆

故賀太尉元從押

下闕

上闕隨使張

下闕

隨使曹曠

衙前樂營使任偪

弓箭第

四都十將李口口

前景州長史安承嗣

節度押衙充客副

皇甫譚

下闕

上闕 部尚書兼御史大夫王昭弼 平盧軍同押衙充都壕寨使銀青光祿大夫檢校左散騎常侍兼御史大夫上騎都尉劉口禮 維那隨使押衙牽搥軍使李欽口 隨使押衙知右

下

關秦希福

天福六年歲次辛丑七月己未朔口口口口建

右幢首刻經文十四行不錄次序文六行後列銜名年月凡十九行上下皆有殘闕銜名中有稱牽搥軍使者頗新異當時國事繁促職官多隨事命名非有定制吳越自天福元年奉晉正朔官屬皆其自署此稱吳越鎮海軍討擊使兼監察御史顧承威等想亦奉使之臣與雲門口功德記所列彭湯李三人皆可補十國春秋之遺也段赤亭益

都金石志云五代史楊光遠傳天福五年徙鎮平盧封東
平王以其子承勳從此碑所稱廟主大王必光遠也其餘
書銜姓名可辨者悉不見於史內云廟臨澠水似誤指南
陽爲北陽矣此幢建于天福六年越三年光遠叛晉苻彥
卿東討光遠嬰城固守自夏至冬城中人相食幾盡其子
承勳囚之以降帝使李守貞殺之光遠死後漢高祖稱帝
又贈爲尚書令封齊王命中書舍人張正撰光遠碑銘卽
以其子承勳爲平盧節度使刻石于青州碑石旣立雷擊
碎之而此碑光遠姓名亦殘毀是天不欲畱惡人之蹟歟

李彥賓石香爐記

天福八年九月刻正書在益都縣北玉皇廟

右字刻於鑪底段赤亭云鑪不甚高可以覆而拓之下節

亦有殘損畧見者隨使押衙李彥賓有願造石香鑪壹口
者伏爲與父司徒離又云此功德願早父子相見合
家安樂永無哉苦天福八年九月日記哉苦卽裁苦之異
文也

高里山捻持經咒幢

天福九年四月立正書幢高六尺三寸五分凡四面圍六
尺在泰安縣西南三里高里山

右幢不詳在高里山何寺前段刻記後段刻經半皆磨滅
中列銜名有天平軍節度使押衙前濟州都商稅使銀青
光祿大夫檢校太子賓客殿中侍御史雲騎尉韓知訓泰
寧軍押衙勾當修嶽銀青光祿大夫檢校太子賓客兼殿
中侍御史武騎尉劉口口節度押衙前岱嶽鎮使新充副

鎮權知鎮李豐武寧軍同節度副使前察固鎮副兵馬使
充岱岳鎮都虞候王訓滑州別駕孫延微前攝澤州別駕
王口美前攝鄭州司馬鄭廷蘊前亳州別駕劉崇友前攝
齊州司馬趙宏嗣又無銜姓名數十人案岱嶽鎮者卽今
縣治本宋乾封縣縣城故址創於開寶五年後晉時猶爲
岱嶽鎮其鎮有正副二使及都虞候等官皆可補志乘之
失序文後題晉天福九年歲次甲辰四月癸卯朔十九日
辛酉案天福九年七月辛未朔改元開運此碑刻於四月
故猶稱天福九年也

後漢石

孟知進父母恩重經碑

乾祐三年立并側俱正書碑高二尺九寸廣一尺六寸厚

四寸在寧陽縣東十八里石碣集

右碑上層刻佛像下層刻經文前題父母恩重經大漢國
兗州冀邱縣万歲鄉剛城村孤子孟知進先有願口口口
三代先亡及父母造名石一所及妻李氏同意設願口得
口口云云佛像上方有乾祐三年建立及孫子孟進敬疏
記等字碑側經文大半剝蝕錢辛楣少詹云唐人好刻尊
勝經名山古刹所在多有不若此經足動人慈孝之心也

後周石

廣順摩崖題字

廣順二年刻正書在濟寧州晉陽山慈雲寺石壁

右刻題廣順二年四字徑六寸廣字从二黃亦異文慈雲
寺重修於石晉至周廣順僅逾十餘年正值鼎盛之時書

者無姓名可攷不知何爲而題也

雲門山功德記

廣順三年十月立行書石高一尺八寸廣二尺四寸在益

都縣雲門山洞南佛龕下

雲門山大雲寺重粧修壁龕功德記 講經沙門賢義述并書

伏自玉毫掩相求瞻覩以無由金像遺蹤猶修崇之可託且我
佛住世莫久像教是依了達者位證三乘漸成者道隆五福伏
以雲門山大雲寺者未可知其始建之時也因覽古碑云開皇
年中曾有修建但以寺居峻嶺地枕長郊觀聖像之凌夷見精
藍之荒廢近則雖興新構必知未稱舊基唯有壁龕弥勒石像
依俙相口隱映儀形風雨交侵門損雕鏤之質歲華綿邈全無
彩繪之蹤蓋事有廢興理闢舒慘豈期今日獲遇信心 淸信

弟子彭仁福本貫浙江寓居海岱固安賜履未遂三乘唯口夙懷善因便至信知修崇之可託明幻惑之不堅是以廣口口因投諸蘭若此則因參遠寺傍觀真容遂乃慎選良工精求彩筆果得入神之妙口瞻如在之儀重新兩龕加口修飾雖遙柰苑何異口峯一群遠黎豈起口口之想四來口口頓生恭敬之心諒此淨因必獲多福更有同會良友亦是口知各起齋心助成勝事仍雕口口口口庶使万古千秋不泯增修之狀陵遷谷變常開化導之門如賢義者跡忝緇衣辭虧黃絹常復斯言之戒敢述刊石之文蓋猥付非才而堅令敘錄旣難退讓何免諭尤謹題

時大周廣順三年歲次癸丑十月戊申朔十八日乙丑功德主
吳越國前攝金吾衛引駕長史彭仁福

女弟子駱氏 長女大師姑 次女小師姑

同會弟子吳越國延恩院隊使銀青光祿大夫檢校國子祭酒兼御史大夫上柱國湯仁口

吳越國大口院隊使銀青光祿大夫檢校國子祭酒兼御史大夫上柱國李口口

吳越國入五臺山送供吳滄

布衣習基張洪進

右碑文凡二十七行字徑八分篆周顯德三年其時吳越國錢俶已奉正朔據歐公五代史載吳越自唐末有國而楊行密李昇據有江淮吳越貢賦朝廷遣使皆由登萊泛海常有飄溺之患至顯德五年王師征淮克靜海軍始就陸路此碑在廣順三年貢賦尚須海運碑中彭湯李三人

或卽吳越使臣泛海至青州故有此功德也

濟州刺史任公屏盜碑

顯德二年閏九月立行書碑高一丈一尺九寸濶四尺三寸在鉅野縣

大周推誠奉義翊戴功臣特進檢校太保使持節濟州諸軍事
行濟州刺史兼御史大夫上柱國西河郡開國公食邑一千三
百戶任公屏盜碑銘并序 朝議郎行左拾遺文集賢殿修撰
臣李昉奉空五勅撰

翰林待 詔朝議大夫行司農丞臣張光振奉空五勅書

降婁魯之分濟河惟兗州大野旣荒西狩獵麟之地崇山作鎮
東暝見日之峯郡國已來土賦稱大舊制非便必惟具新蓋民
衆吏少則姦易生治稱任平則時克父

皇朝建濟州於鉅野縣猶魏室分狀次爲樂陵郡耶

我太祖聖神恭肅文武孝皇帝發天機張地紀皇建不祚

空三字

帝于萬邦不枉政以厚民生不剋法以重民命以爲分是理頒
是條施之一方而用寧通之四海而不泥者其惟良二千石乎
故口選牧守咸用賢能得人者昌於斯爲盛

今皇帝嗣守洪業光揚

空三字

聖謨率勤儉爲天下先惟幾微成

天下務所謂

空三字

皇王綱統之道明矣邦國紀律之務成矣而

研叢精鍊日不暇給以戒弛墮之患所謂視聽聰明之德充矣

口外上下之情通矣而啟廸開納國無畱事以防壅塞之弊非

軍國機要刑政樞務事無巨細必詳於聽覽凡公侯卿士牧伯

長吏任無輕重必考其才器是以設爵愈重分職愈精人人自

謂我民康家家自謂我土樂粵嗣位元年冬十月 詔以前趙

州刺史任公檢校太保牧于濟濟新造之郡也麟州之名其廢已久歲月差遠土風滯醇民忘其歸或肆爲梗重以控地既大芭荒用遐山幽口深亡命攸萃灌莽悉伏戎之地蘚蒲爲聚盜之資妖以人與嘯召或成於風雨法由貧弊羈縻遂至於逋逃良田有蟊實害嘉穀惟夫年號豐稔時無札瘥滯種餘糧栖僵于千畝京倉坼庾阜衍于九年猶或胥遊墮之夫釋耒耜之用鉤鋤弦木竊弄於鄉閭之間矧飢沴之歲乎至乃野無戰血天藏殺機翬甲琿戈戢鋒銛於武庫庸租井賦緩征督於鄉胥尚或誘輕主之民聚無賴之族巢梟穴狡竊發於海溟之中矧兵革之際乎民旣病而疇思其治醫雖良而藥或未工蓋用有所長才難求備文吏束名教之檢則必曰導之以德盜用侮而益暴法家持剛猛之斤則必曰齊之以刑盜用駭而弥逸自非文

武兼資之用英雄斷制之才莅是任而居是邦者厥惟艱哉
公天授將才生知理本以戰則勝元機出應變之先以化則孚
心術同希微之表抗一旅而戾止撫萬室以暗言以爲川壅汚
潢利源派而嘗宜濬畝田荒麓叢樹嘉苗而必極芟夷於是令
以先庚申之後甲介馬負先馳之勇陰門提夜出之兵獵叢社
以平妖盡誅其類狩平林而得猶悉伏其辜狂童震驚四野竦
駭狼心盡革民患皆除乃峻以隄防敘其窔穿決獄盡疎其畱
滯窮源用涤其瑕疵分命鄉民設其警候伏乙夜以蒐慝扼衝
途而伺奸盜跡之來若罹蠶畢申命降寇招其叛徒恩信著用
以結其心惄伏羈畱以杜其變盜意之改若愈膏肓非夫術以
變通奸由惠照太阿所擊荆洪鍾而不留玉弩載張應靈機而
自發其孰能如此耶甚矣哉除盜之難其來有素中古澆酶之

後羣心變詐之興縱燎夷荒或敗蕭蘭之秀尋柯伐蠹因傷杞梓之材唯賢者之用心則是非而無混故公嫉盜之意切而誅盜之令嚴去盜之術行而屏盜之譽顯夫盜既去矣民將息矣然後緩之以約束寬之以法令廢之以惠愛勸之以禮讓化之無或戾信之無或欺則墮黃之風彼亦奚尚是以黃髮鲐背之叟農工商賈之類含哺而嬉旣舞且訟以爲康莊播頌雖昭盛德之容琬炎裁碑宜耀披文之質郡將官吏唱言僉同乃詣闕上陳願塞羣望帝用嘉許綸言式敷詔左拾遺李昉俾文其事以述濟民之請微臣不才孤奉空三明旨揣聞秘思懼遺休聲稽實課虛斯謂無愧而太史氏紀功臣之績云公名漢權蜀國人也以武畧事累朝以戰功登貴仕亟握兵要連分使苻初牧于丹有排亂折衝之績移治于趙有安邊

鎮靜之功所至皆有能名而濟之人獨能宣其事業以示不朽亦可謂賢矣系曰事有該于謠俗傳于者舊者千載之下尚爲美譚矧文之以銘而勒之於石乎他日知使君之政者其將質於此故其詞云

道失其要 洋刑而暴 人心用違 良民爲盜 令嚴而申
政肅而淳 人心用依 盜爲良民 民卽盜也 盜亦民也
善惡之化 實由乎人 猶歟使君 克善其治 始以嚴誅
去其奸宄 申以約束 靜其鄉里 里無墮農 鄉無狡童
曾未逾月 澄清四封 相彼林矣 豈無豺虎 暴心不生
與麟爲伍 循彼陔芳 亦有荆棘 惡蔓旣除 與蘭同色
使君之賢 如山如淵 濟民之頤 聲聞于天 刻石播美
垂千万年

軍事判官朝議郎試大理司直兼殿中侍御史張穆篆額
顯德二年歲次乙卯閏九月一日丙申朔建

右碑首標題一行次換書銜名二行文廿二行末篆額銜
名及年月一行篆額者不與撰書人並列蓋以前二人皆
奉敕故也撰文者李昉案宋史本傳昉在漢乾祐舉進士
爲祕書郎宰相馮道引之與呂端同直宏文館改右拾遺
集賢殿修撰此碑列銜正同則仕周太祖朝亦仍此官惟
拾遺轉左耳周世宗覽昉章奏詩文每稱賞之此碑辭句
華贍洵爲稱旨之作書體蒼勁有法間有異文如遊情作
游墮未耜作未秬是也蘊蒲卽蘊苻案左昭公二十年傳
取人於蘊苻之澤蘊字唐石經後改作蘊苻字唐石經原
刻作蒲皆與此合或以爲唐人別體者由未細檢耳鉅野

諸生李伊吾云此碑有額題任公屏盜之碑六字碑陰題職官人名數列拓者皆遺之

龍興寺經幢

顯德口年立正書幢高六尺二寸廣七寸在淄川縣龍興寺

龍興寺百法院禮佛會石幢記

鄉貢進士許口撰并序讚

三峯講經論沙門惠深舍口書口壹石作都料張進貴男仁美鑄字當院法眷僧和韜會主當講傳經論沙門口口口遷

伏惟佛生中國當此土周昭王初下闕暨乎聲教流傳始自漢皇感夢自後支那國內廣布流行歸之者盡悟無生敬之者皆超彼岸有求皆應無願不從似影隨形如聲響應爰有百法大

德者始從無棣携杖錫以南來既至磬陽口龍興寺駐足是以
繼開瑞典論講明門下闕四方之負笈雲臻寰海之間名悉至

實謂塞峻道而歸正道摧邪見以悟真宗六事行圓人皆稽首
弟子等曾遊法會觀六事以精嚴暫憩分宣似衣中之得寶是
以學親六事共結二因聞巷相口朋儕共允展轉相呼來者甚
衆信士既多標禮下闕佛會是以長於月圓日宿淨三業且入
寺中隨僧讚唱以連天五體投誠而迺地雖爲歲久未口標題
乃有都副維那幢會糾首與會衆商議擬造石幢壹座鏽上下
經兩軸會衆既聞無不允許遂口口良匠選木材各捨蠻蛇共
崇勝業今則功圓口妙不讓於塊率陁天鸞鵠頻仰恰似移西
方在此幢儀既就列姓氏以雕鏤顯示當來瞻敬者皆獲斯善
口多愚少智輒順尊情書述荒詞略爲序讚

賢劫千佛 第二能仁 悲深願廣 濁界度人 紿孤園裏

口演金經 金身放瑞 處處蓮生 化佛先唱 釋迦自

陳 弥勒獨悟 万倍解生 近執示起 心裏疑生 三業

俱淨 五軀投誠 世尊往昔 授記丁寧 弥勒修行 未

得真成 貪心由在 禪定不行 既言成佛 何處受生

子細諦聽 却後一紀 知足天生 官口萬億 五百爲名

莊修檀度 口作祇迎 善賢顯勝 樓閣崢嶸 珠從額

出 內院方成 寶樹風動 畫出音聲 不談鄭衛 唯演

空名 花湧八水 遊口棟行 能柔能冷 飲不傷形 寶

女執拂 幕內遊行 小梵張綱 大梵懸鈴 因修六事

意想投誠 人間壽足 口臂便生 花芬頭上 口口口口

口口口口 敬禮慈尊 阿難長跪 發問經名 世尊爲

答 觀慈氏經 下生經讚曰大智舍利 能轉法輪 白佛
啟問 弥勒當因 世尊誠勅 當一心聽 四海漸感 地
卽廣平 村邑相近 絶有邱陵 人唯三病 更無餘口
應往大藏 廣集珠珍 七寶口口 口口口口 口頭城大
廣濶縱橫 上諸樓閣 百寶所成 慈尊修道 從境而
生 妙臺始就 卽使分譯 知世間法 無常必生 捨家
修道 當日卽成 龍花樹下 契證金身 從座而起 往
迦貢城 天龍前引 四衆隨行 梵王侍右 帝釋口傾
口口口口 口口口口 口葉迎佛 入此大城 佛開妙辯
廣利羣生 三會得度 遺法衆生 釋迦上足 号迦葉
名 藏口雞足 只後慈尊 山神來報 弥勒始興 乃從
定起 來禪慈尊 世尊預記 讀彼殊因 當來證覺 号

成佛經 時顯德口季歲次乙卯閏九月

下闋

右幢八面首面序讚十行後刻弥勒上生經下生經及施
主姓氏文體對偶未工惟書法饒有古趣耳

中書侍郎平章事景範神道碑

顯德三年十二月立正書碑高九尺三寸廣四尺八寸在
鄒平縣印臺山左

大周故銀青光祿大夫中書侍郎同中□□□平章事上柱國
晉陽縣開國伯食邑三百戶贈侍中景公神道碑銘并序

翰林學士朝議郎尚書水部員外郎知 制誥社國賜緋魚袋
臣扈載奉 勅撰 翰林待 詔朝議郎守司農寺丞臣孫

崇望奉 勅書

帝軒轅乘土德之運其臣曰堯龍祝融能辨方域以制區夏帝

姬氏禪陶唐之基其臣曰伯夷后夔能典禮樂以和人神口口佐命

下闋

口政嗣口口口瀟盛弥綸輔翊代有其人皆金策丹書徇續口業垂其訓聚而爲墳典口其美流而爲歌詞口口口口口口我則

下闋

淪朽我則鏤之以貞珉銘以紀功碑以誌行千載之下粲然可觀者其惟神道之表乎故中書侍郎口口口口口口口口口口

口朝議

下闋

口十一月薨于淄川郡之私第

空三字

天子廢視口輓殯斂之念

制贈侍中遣使賵奠飾終之口口口口口口口口口口口口

琰

下闋

不出廟門杜預豐碑空沉漢水姑自矜於名氏誠未顯於邦家

與口輝焯空三帝恩導揚餘烈

下闕

綸言直而敘之用丕顯空三我大君之命臣聞景氏之先出於

莘姓從楚王於夢澤口口口

下闕

人惟周之輔長山之下淄濱爲川地勝氣清惟公故里夫嘉遁
絕世高臥於是者足以口頤氣而下闕

故公之先由烈考太僕府君之上口王父賓大王父閔皆貞晦
口仕介享天爵而巢許之下闕

聿登相位而申甫之祥著矣昔者聖人之教天下也本之以仁
義制之以經藉是謂人文是謂人下闕

是以公輔之位必由稽古升廊廟之才必以經術顯而公以明
經擢第於春官口口賢哲之下闕

口高密郡秩滿而口授范縣令大鵬之翼鎔北溟以未舒蟄雷

之聲殷南山而不起然則

下闋

通人之才變而順別方圓之量不能局故公之佐縣政也人謂其勤且潔矣典刑著也人謂其

下闋

改不而從之者則人謂其賢且能矣粵若日月之彩得天而大明風雲之期遇屯而始起

下闋

我太祖聖神恭肅文武孝皇帝建大功於漢室爲北藩於魏邦初筵旣開得賢斯盛於

下闋

龍飛在天躬戴曜靈至於霄極空五字皇業肇建制以公爲秋曹

郎進階至朝散

下闋

之口維聖人執左口臨萬邦經衆口大命口厥口機口之大柄總於樞務口可謂重矣而

下闋

公爲左司郎中充樞密直學士尋轉諫議大夫充職

今皇帝嗣位之始口用舊臣而并人乘我大喪擁衆南口親征
之舉迅若奔雷分命大臣俱

下闋

振帝伐張黃鐵白口口羣鬼而皆盡參旗河鼓口清蹕以口旋
大祲既已口九服又已定

下闋

聖謨碩望可以鎮口俗爰立口命空五字帝心允孚六府肇修兵
賦尤大邦之調

下闋

大用逢口洪均在口資忠孝於空五字君父享富貴之崇高而盡
粹之勞用成美瘳口章

下闋

以列卿歸第懸車故鄉嗟風口之忽驚訴昊兮兮罔極見星而
往夕露方多泣血以居晨漿屢絕

下闋

觀夫公之行事則其道也淳而粹充充焉無能稱其言也直而
肆謇謇焉無所忌耿介以自口口口以口口口其

下闋

無悔口口人之操何以尚口口筆者得無愧於詞矣許國夫大

李氏嗣子太廟齋郎儼信等

下闋

子事父之禮佳城閉日長楸籩雲勒銘口休以示于百其詞曰
口山蒼蒼淄水湯湯哲人之生逢時會昌哲人之逝魂遊舊鄉
高山芳表峩逝水芳驚波口而口死口其口口惟下闋
山有頽坂水有高岸人何世而口新善有名芳獨遠猗歟公芳
斯口不顯

顯德三年歲次丙辰十二月己未朔口口口丁

下闋

右碑文三十一行字徑一寸下截皆殘闕無字武虛谷云
碑首列扈載孫崇望奉勅撰書案舊五代史景範傳云官
爲立碑卽此是也周太祖紀廣順三年春三月以左司郎
中充樞密直學士景範爲左諫議大夫充職世宗紀顯德

元年七月癸巳以樞密院學士工部侍郎景範爲中書侍郎平章事碑云登用舊臣蓋範當太祖時已爲諫議矣碑言晉陽縣開國男當依碑作伯又碑言以列卿歸第案本傳範理繁治劇非其所長雖悉心盡瘁終無稱職譽世宗知之因其有疾乃罷司計尋以父喪罷相東歸竝與碑符

贈太常卿顏公神道碑

無年月正書篆額碑高一丈一尺廣三尺八寸五分在曲阜縣東北五里顏侍郎林

右碑篆額題大周贈太常卿顏公神道碑銘四行字徑三寸文約四十一行漶漫已極存者祇數十字據縣志載五代太常卿顏文鐸墓在縣東北五里許塚前有翁仲石像

碑則平原節度使李闢所撰也今此碑撰文銜名已闕惟存前平盧軍節度副使八字而已

冥福寺施羅尼經幢

無年月正書幢高八尺八寸在泰安縣冥福寺天王殿前右幢疊石四層每層一石各作八面每面拓本長短不一凡三十二面皆書經文字徑一寸別無年月姓名及刻經建幢之由聶効光泰山金石攷以天福二幢錄入後晉此幢附五代末今從之

山左金石志卷第十五

兵部尚書兼都察院右都御史巡撫湖廣湖南等處地方兼提刑按察使加三級銜沈同撰

內閣學士兼禮部尚書巡撫浙江江西湖廣督學政加三級銜元

宋石

萊蕪縣鳳凰山仙人觀碑

建隆年月十月立正書碑高五尺六寸五分廣二尺七寸
在萊蕪縣

右碑額已殘闕惟存記字文二十三行字徑六分首題充
州泰安軍口口口萊蕪縣鳳凰山八百仙口碑記中稱建
隆三年歲次壬戌十月乙酉朔四日戊子葺安期之真觀
一云云案縣志安期生修煉於縣之南山一名仙人山上
道觀又云鳳凰山亦在縣南與仙人山相接此碑蓋爲修

觀而作惜大半磨滅無從得其原委矣

濟州廳壁記

建隆四年八月立行書陰正書碑高五尺八寸廣二尺六寸五分舊在鉅野縣今佚

濟州重修廳壁記

將仕郎守任城縣主簿李頌撰

都齋舊址乃鉅野縣之廨宇也頃自周室肇興魯侯叛命六飛薄伐孤壘蕩平天子乃廻法駕儼環衛考三壤之成賦欲萬邦之作又以其大兵之後厥俗未濟斯地扼數州之要害斯民據聚盜之泉藪化之則從風者少劫之則掛網者多繇是宸襟屢謀明詔乃下爰廢茲邑聿建是州冠樓滯表城壘方堵蹊促有同於晉儉經營靡及於衛臧雖露冕寢帷無廢

六條之政教而上棟下宇不揚 五馬之威風剖符載易於數
朝視事繼仍於舊字

我太守謹公之下車也一之歲視民之所疾怨苦者除之吏之
不舖入錢穀者久之奸之巨蠹者夷之猶之太暴者芟之一境
於是乎以寧二之歲犯四律者正之冒時禁者繩之孝悌者獎
之潔廉者用之黎人於是乎知勸三之歲茂才者舉之異等者
揚之墨綬之吏居官之治理者旌之隣邦於是乎仰化 公知
化之克修事之既簡因追大壯之義欲與必葺之功且曰凡治
一州或刺一郡者以化民唯先致理爲務豈特飾臺榭亭宇悅
心意耳目哉然則舊政因循廳事湫隘廳者聽也將欲聽郡政
而牧黎民事者功也將欲崇化功而敷六察若怠併工之用良
摹其理之心別茲樂郊攸同浩壤土賦貞墳草木條絲鄉號獲

麟傍接灘沮之會水隣浮磬遙分海岱之折秦爭漢略獨其功
晉伐楚侵漁其利驗九州之別濟河密唯充之封稽十載之名
大野乃降婁之分苟儉不中禮陋如之何則曷以壯我廟郡爲
王甸服哉於是凡百官舍咸命隆修羣司奔馳百工鳩模準
繩圬場者雷動刮刷板幹者風駢周廊廻合以虹申峻宇坱兮
而烟聚層城之樓閣相望勝地之臺池肆與麟趾應聖之鄉居
然不變馬頰名河之境煥若唯新郡容旣嚴公庭有翼命有司
敬其事以落之燕僚屬修其禮以臨之召樂工合其奏以娛之
發脩幣厚其意以將之若乃 勦掌在公朝夕 聽政決盈庭
之訟敷求瘼之言法令旣明吏士咸肅入其門者莫不祗畏又
若怡神無事宣德以詩歌 有道之風湧如泉之思訓和無斁
賓僚計協涉其級者莫不敦穆豈比夫崇飾峻宇輪奩雕楹徒

爲燕息之所娛樂之地而已哉抑

公之爲政也

化舉戾之俗復禮義之風申刑制之嚴弭萑蒲之盜有士民詣
闕之請有朝廷借治之稱有行路游楊之頌具美咸在此
不能盡書下吏承

命爲文不遑牢讓如紀貞珉請俟才之傑者時大宋建隆四年
八月一日建

金紫光祿大夫檢校司徒使持節濟州諸軍事濟州刺史兼御
史大夫上柱國彭城縣開國男食邑三百戶曹翰

碑陰

濟州新建蓮華漏記

朝奉郎尚書司封郎中知濟州軍州兼管內勸農事上輕車都
尉借紫田棐撰

濟州本無刻漏列卒直晝夜視早晚聲鼓以卜之絕無謂也會
稽徐繪寓於此口口口燕公舊法增以新意而爲之置於州樓
之上四時百刻約水準點從子至亥周而復始不差毫釐今徐
法既精可傳於濟口俾聞者取信晷刻以口口口而行婚姻
喪葬口口亦有功於長民者平宜刻石以志嘉祐八年夏四月

初四日記前進士路邁書并篆額

將仕郎守司理參軍監造手口口

儒林郎試秘書省秘書郎圓練推官呂口

朝奉郎試大理司直權圓練推官李口

東頭供奉官兵馬監押兼在城巡檢張口

朝奉郎尚書都官員外郎通判軍州兼管內勸農事騎都尉賜

紺魚袋徐口

右碑元得明時拓本完善無缺凡二十一行字徑一寸二分案宋史曹翰傳於濟州事實未能詳及此記可補其闕碑陰刻嘉祐入年蓮華漏記及銜名凡十四行字徑八分王承慶等開雲門山石井記

乾德六年二月立正書崖高四尺廣三尺餘在益都縣雲門山後洞東壁

右刻文十七行字徑二寸首題雲門山石井記勸首弟子泉州節度押口充都綱王承慶等開鑿石井用鐫石記云云後記年月及施主姓名段赤亭云雲門山有一石井一爲僧守忠所鑿其迤東稍南者卽承慶等所鑿也宋史太祖本紀蔡河務綱官坐以糠土雜軍糧乘市知都副綱官爲糧運微弁泉州此時未入版圖不知承慶何以爲閩之

押衙耶

法慶寺尊勝真言幢

開寶四年十月立行書石高三尺八寸凡八面圓三尺一寸在青州府西門外法慶寺祖堂

右幢四面刻真言四面刻宏正大師遺界記凡三十二行字徑七分書出僧懷永手筆頗秀逆惜多訛體耳

臥佛寺金剛經幢

開寶八年正月立正書石高二尺六寸凡八面圓四尺一寸六分在昌樂縣城西臥佛寺

右幢間有殘闕後題開寶八年歲次乙卯乙下當是亥字長壽鄉畱仙村今皆無攷縣志青惠鄉有畱泉社未知卽其地否匠人有都料之目亦宅碑所罕見也

龍興寺三門記碑

太平興國七年十三月立行書篆額碑高六尺五寸廣二尺六寸五分厚一尺二寸在兗州府龍興寺

大宋兗州龍興寺新修三門記

額四行字徑三寸

大宋兗州龍興寺新修三門記

前鄉貢進士王禹偁撰

翰林侍 詔朝請大夫

太子中舍同正司徒儼書并篆額

佛滅度後後末世一切衆生並陷業障法有輪杌而不博慶有網結而高張積覆蕪之邪峰乃峻極滯盪觴之苦波乃尾閭是諸凡夫煩惱不斷是諸世界虛妄大行地水火風攻之于外貪嗔愛慾寇之于內大則以金玉滿堂垂子孫之計小則以錐刀覓利務衣食之源末俗于是難移真如以之不覓幻身有漏寧

知牛乳之方火宅將焚熟信鹿車之諭則有悟電泡之非久識生死之有緣以慈悲喜捨爲身謀以因果報應爲已任謂財能賈禍我則輕之若浮雲謂福可濟身我則指之爲彼岸者其惟京兆杜公乎公慈原理躬淳和賦性出言有信重于千乘之盟立事去奢笑彼三家之僭自謂處太平之伐飽歌頌之聲兵革不聞伏臘自足上則知其

帝力熙熙常陟於春臺下則依彼空門世世期臻於淨土始念劬勞未報風樹纏哀耕山起曾子之歌陟岵動詩人之歎堂雖肯構蓄五牲以成家養孰弗能奉三牲而何益爰思追薦是用修崇出茲潤屋之財飾彼布金之地龍興寺者東兗招提之甲也先是三門建於大中年充海沂密等州連帥劉公莒之所立也位歷數朝時踰百祀風雨所冠簷楹不完寺衆

羞之思所整葺而力未支也公乃革其舊址立以新基易之以
金鋪構之以重閣庇徒且亟藏事靡遑丁丁伐棗谷之材陰疎
煙葉落落輦他山之石翠斷雲根役夫憧憧車轍轔轔繩者疊
者陶人圬人繼踵接武其來如雲因爲揆日之期特起凌霄之
勢乃日夫有其材而無其工則材將弃矣有其工而無其首則
工乃惰矣疇其代我魁以董之乃得

藏主大德洪昭戶其事且戒季子航以左右之由是無晦暝無
風雨是制是刷以圬以墁畚鍤之影齊來雲生東岱追琢之聲
牙動雷殷南山板榦畢興土木交作惟知日入而息豈俟定之
方中加以勞來有常趨督忘倦匠之哲者則甘言重賂以誘之
役之賤者則嘉醪芳味以悅之工不敢怠人豈知疲星灰始周
功績告備莫不拔地若湧掀空欲飛金碧交光爍亭午之日樂

植牙映過崇朝之半復道排虛龍蟠天矫之狀重檐截漢鵬運
扶搖之風崢嶸而始謂鼇擎來從碧海峭拔而終疑蜃吐乘出
紅塵其或春雨絲紛秋雲羅散夏引清飈而淒楚冬涵皓雪以
溟濛憑欄放懷望遠送目前對孤桐之岫杳靄凝嵐左連浮磬
之川繁廻靜練足以作魯邦之勝槩爲 法門之雄觀者歎事
既畢公乃慶良緣會大衆且以香花落之故得觀瞻之衆雲越
讚歎之音雷動飛聲走譽自邇及遐緣事有成福德无量亦何
必持長者之蓋方表修行捨蓋師之金始爲利益者哉議者曰
凡人從緣而生從緣而死衣食者治生之器具也功果者濟死
之津梁也悟之者若發箭在空恆虛力盡迷之者若無舟泛海
但見溺爲斯蓋濁惡染其慾情聲香觸其根性遂使捨一毛一
飯或至艱難奉少香少花皆有悵惱苟非解方便力有迴嚮心

則孰能奔小徑於迷途持真心覺路者耶公則不然始乃儉於其身勤於其家孝子

父母信于友朋然後輒能散之財崇无邊之福有以見其心也不可思議其德也不可唐捐經曰名稱高遠如須彌者我公有之又曰堅固不壞如口口口斯門比之公欲紀茲功德思所銘刊猥顧非才俾揚善績其或敘如來之教法則內典詳

矣陳伯禽之土風則禹貢具矣是敢書歲時而口口口語修建而無媿辭秉筆成文尤謝筋柄之作拂石爲刲永畱寶積之口時皇宋太平興國七年十三月廿三日記鑄

字白口口口口

右碑凡二十一行字徑一寸王禹偁撰文禹偁字元之鉅野人九歲能文太平興國八年擢進士咸平四年出守斬

州卒年四十八此碑立於太平興國七年是未第時所作而文之華贍若此洵可觀矣文內處太平之代誤作伐持直心於覺路心下脫於字牙乃五字之訛未行題皇宋太平興國七年十三月廿三日記案是年閏十二月故云十三月也碑側列寺僧施主姓名凡四十五人皆不錄

重修兗州文宣王廟碑

太平興國八年十月立正書篆額陰正行書不等碑高一

丈六寸廣三尺九寸在曲阜縣孔廟大成門東

大宋重修兗州文宣王廟碑銘額三行字徑三寸

大宋重修兗州文宣王廟碑銘并序起復翰林學士朝散

大夫尚書都官郎中知制誥柱國賜紫金魚袋臣呂蒙正奉

勅撰 翰林待 詔朝散大夫少府監丞臣白崇矩奉

勅書并篆額

聖人之興也能成天下之務能通天下之志然亦不能免窮通
否泰之數是故有其位則聖人之道泰無其位則聖人之道否
大哉夫堯舜禹湯其有位之聖人乎我先師夫子其無位之聖
人歟昔者大道既隱真風漸漓有爲之跡雖彰禪代之風未替
繇是堯舜禹湯苞至聖之德有其位故德澤及於兆民逮乎周
室衰微諸侯強盛干戈屢戢黔首疇依繇是仲尼有至聖之德
無其位所以道屈於季孟嗚呼夫子以天生之德智足以周乎
萬物道足以濟於天下而棲遑列國卒不見用得非其道至大
而天下莫能容乎復乃當時之生民不幸乎向使有其位用其
道又何止夾谷之會沮彼齊侯兩觀之下誅其正卯墳羊辨士
木之秋枯矢駁蠻夷之貢必將恢聖人之道功濟乎宇宙澤及

于黎庶矣矣一中都宰大司寇可伸其聖道哉嗟夫文王沒而
斯文未喪時命屯而吾道不行可爲長太息矣洎乎河圖不出
鳳德云衰爰困蔡以厄陳遂自衛以返魯于是刪詩書讚易象
因史記作春秋大旨尊王者而黜霸道威亂臣而懼賊子然後
損益三代之禮樂褒貶百王之善惡蕪而穢者芟而夷之紊而
亂者綱而紀之建末俗之邪郭垂萬祀之楷則遂使君臣父子
咸知揖讓之儀貴賤親疎皆識等夷之數功均造物德被生人
昭昭焉蕩蕩焉與日月高懸天壤不朽者夫子之道乎故曰自
生民以來未有如夫子者也非夫道尊德貴惟幾不測孰能與
於此乎故天下奉其教尊其像祠廟望相者豈徒然哉自唐季
而下晉漢以還中原俶擾寓縣分裂四郊多墾鞠爲戰鬪之場
五岳飛塵竄以干戈爲務周雖經營四方日不暇給故我素王

之道將墜於地光闢儒風屬在空三昌運我

應運統天睿文英武大聖至明廣孝皇帝續寶位也以徇齊之

德兼睿哲之明惣攬英雄之心苞括夷夏之地空四皇明有赫

空三聖政日新解納泣辜示至仁於天下悔亡取亂清大憝於
域中復浙右之土疆貞王匍匐而聽命伐井汾之堅壘兇

豎倒戈而係頸戎車一駕掃千里之祆氛泰壇再陟辰

代之縛禮拯亂則孚伐非所以佳兵也口惡則止殺蓋所以遵
法也然後修禮以撿民跡播樂以和民心禮修樂舉刑清俗阜
尚猶日慎一日躬決萬機近甸絕禽荒之娛後庭無游宴

之溺遂得群生亹亹但樂於天時萬葉熙熙不知乎

帝力信可以高視千古蹠轔百王謂皇道既以平華戎又以寧

爾乃凝神太素端拱穆清闢希夷之風詮眞如之理

間則披皇墳而舊帝典舊空三睿藻以抒空三口章哲王

字空三子

字

闢

闢

哲王

之能事備矣太平之鴻業成矣居一日乃御便殿謂

侍臣曰朕嗣位以來咸秩無文遍修群祀金田之列剗崇矣神

仙之靈宇修矣惟魯之夫子廟堂未加口葺闢孰甚焉况像設

庫而不度堂廡陋而毀頽觸目荒涼荆榛勿剪階序有妨於幽

丈屋壁不可以藏書既非大壯之規但有歸然之勢傾圮寢久

民何所觀上乃鼎新規革舊制遣使星而歲事募梓匠以

俾功經之營之厥功告就觀夫綠垣雲巖飛簷翼張重門呀其

洞開層闕參其特起綺疏敞野朱檻凌虛眈眈之邃宇來風轍

轍之雕亮拂漠迴廊複殿一變惟新升其堂則藻火黼黻昭其

度也登其筵則豆籩簠簋潔其器也春秋二仲上丁佳辰牢醴

在庭金石在列侁侁衆賢以配以侑凜然生氣瞻之如在瞻或

龜山雨露岱嶽雲歛則重樞疊拱丹青晃日月之光龍炳雲楣
金碧焜煙霞之色輪奐之制振古莫儕營繕之功于今爲盛
是公卿庶尹鴻儒碩生相與而言曰凡空三字明君之作事也不
爲無益害有益必乃除千古之患興萬世之利然後納華夷本
軌物致黔首於仁壽夫子無位立教化人以文行忠信敦俗以
冠簪喪祭爲民立防與世垂範是以上達君下至民用之
則昌不用則亡空三字我君膺千年而出震奄六合以爲家一之
日二之日訪蒸黎之疾苦三之日四之日辨官材之淑慝尔乃
修武備崇文教輕徭薄賦興廢繼絕于是聽我先師嚴其廟像
棟宇宏壯僅罕倫比遂使槐市杏壇之子競鼓篋以知歸袞衣
博帶之儒識橫經之有所矧乃不蠹民財不耗民力時以農隙
人以悅使向謂興萬世之利者斯之謂歛與夫秦修阿房唯矜

土木之麗楚築章華但營耳目之玩可同年而語耶將勒貞珉
合資鴻筆臣詞慙體要學謝大成空二字形庭猥廁於英翹內署
謬司於綸誥頌空三字聖君之德業雖効游楊仰夫子之文章誠
慙狂簡恭承空五字睿旨謹杆銘曰

周室衰微兮諸侯擅權魯道有蕩兮禮樂缺然神降尼丘
芳德鍾于天挺生夫子兮喪亂之年秀帝堯之姿兮類子
產之有苞聖人之德兮凜生知之賢刪詩定禮兮糺謬繩
愆智冥造化兮功被陶甄下學上達兮仁命罕言將聖
多能兮名事正焉道比四瀆兮日月高懸仰之弥高兮鑄
之弥堅歷聘諸國兮陳蔡之間時不用兮吾道適遭麟
見非應兮反袂涙漣梁木其壞兮歎彼逝川主爵疏封兮
袞冕聯翩百世嗣襲兮慶及賞延明明我后兮化淡無

遷崇彼廟貌考其功曲全高門有閒考虛堂八筵吉日

釋菜考陳彼豆籩雕甍畫棟考且暮含煙海日一照考金

翠相鮮帝將東封考求福上元千乘萬騎考轂轂闕闢

謁我新廟考周覽蹠蹠肆觀羣后考岱宗之前

太平興國八年歲次癸未十月癸未朔十六日戊戌建

空七
字鑄

宇寒厚

碑陰

凡從

行臺公

林廟之行者具有數而奠拜之禮亦各有差自叅議總領詳議鄉貫姓名已誌諸石維省掾屬吏當別刻之其歲月在叅議題名下故不復云仁傑書

省掾 東平王文 孟謙 古栗趙瑀 柯亭董英 陽平侯
琪

屬吏 柯亭李滋 曹南吳欽 東平王恕 呂松 漳川王
鼎 奚丘劉信 絃歌王祐

右一段十七行正書徑一寸在碑陰最上層第一列

永年王磐陳郡徐世隆嶧山顏從傑渾水劉郁自東原來恭謁
先聖廟庭因奠墳林壬寅歲秋九月廿有八日

右一段七行正書徑二寸在第二列右幅從左讀

歷下孫天益上谷信世昌從 行臺公再祀

林廟歲己酉立秋日謹題

右一段三行正書徑一寸在第二列左幅

歲在壬子九月十二日口口天宇澄霽東原賈起口平王庭敬

謁

廟林謹誌其來彭城王明達從行

右一段五行行書徑一寸在第三列右幅

壬子春三月甲辰十六日庚戌奉天楊英上谷劉詡盧龍韓文
獻任城張鐸彭城王明達梁口張宇陳郡王元慶古汴郭敏祖
謁

右一段八行行書徑一寸在第三列中幅

歲甲寅夏四月八日恭謁

聖祠拜于

林墓金源道人溫德潤遼陽幹勒堅金城史周潔陽程知柔同
來男六九學生東平徐致從行梁都趙晉敬題

右一段五行正書徑一寸二分在第三列左幅從左讀

高口監修東嶽并文宣王廟夏侯忠 內品同監修張從訓
殿直同監修樊繼源 內品同監修阮懷俊

右一段四行正書徑一寸從左讀在第四列中幅虛其右
泰寧軍節度使特進檢校太傅孫承祐 宣德郎右補闕直史
館權知軍府事賜緋魚袋石熙古 承奉郎守祕書省著作郎
通判軍府事王仲華 管內觀察判官朝奉大夫檢校尚書水
部員外郎兼監察御史柱國賜紫金魚袋廖文鐸 觀察支使
朝散大夫試大理評事兼監口御史鞠光輦 節度推官徵事
郎試大理司直兼輔

右一段六行正書徑一寸在第四列左幅

拜謁

至聖文宣王廟留題

七十遑遑席靡安周流列國始旋轍發明

堯理見經旨整頓人倫窒亂源比德唐虞賢更遠齊仁覆載衛彌尊

君王師範渾無報世世榮封裕後昆

丙辰仲冬朔蓬山劉真淵拜手稽首上 提領曲阜縣事東平

呂仁命工刊委差白濤從行 匡石杜溫

右一段十一行正書詩徑二寸款徑一寸二分在第五列

右幅

四十四代孫左贊善大夫襲封文宣公宜 母弟著作郎監確
貨憲 母弟晃 母弟昂

右一段四行正書徑七分在第五列左幅

中統二年冬十月二十有三日提控監修林廟官馬惟能廟學

教授王庭珍監修官孟福同來祇謁祠下

右一段四行正書徑六分在碑末左下角

右碑文二十九行字徑一寸宋史孔宣傳太平興國八年
詔修曲阜孔子廟宜貢方物爲謝詔褒之其詔載縣志云
素王之教歷代所宗當予治定之初特展修崇之典汝襲
封闕里就列周行虔備貢輸慶茲輪奐省聞嘉獎不忘于
懷碑陰題字凡十一段惟末段有中統二年紀號餘皆無
年月間有干支不詳時代大率是金元間人題名上眉第
一段省掾屬吏從行臺公謁林廟題名第二段壬寅歲王
磐徐世隆等題名第三段歲己酉孫天益等從行臺公再
祀林廟題名所稱行臺公者卽東平路行軍萬戶嚴實也
壬寅乃元太宗崩後六皇后稱制之初己酉則元定宗崩

後之次年據雲峯山題名己酉七月大行臺謁獄祠從行者東平叅議王玉汝及張昉李滋杜仁傑孟謙題記者徐世隆此碑初謁林廟不書年月再祀林廟亦在己酉立秋與謁獄祠同時事矣

開元寺心經香幢

雍熙二年五月立正書石高一尺二寸凡八面圍二尺餘在淄川縣

右香幢每面三行字徑六分有廣褚筆意中稱清信男弟子女弟子猶沿北朝風尚

資福寺舍利石塔題記

雍熙二年六月刻正書尺寸未詳在夏津縣資福寺

右石塔爲夏津令蔣_林覓得錄以見貽云石塔現存資福

寺內底尙完好其前面刻定光佛舍利記六字蓋上題字
前半已殘闕稽其全文本云太平興國八年正月內有定
州寶應塔院掌舍利功德主僧先有願諸處名化有緣起
塔五座今於夏津縣元應寺起塔第二座雍熙二年六月
內故記凡六十四字今祇存院掌舍利功塔五座今於年
六月內故記十六字蓋宋雍熙年間藏舍利之具也記稱
元應寺當是資福舊名今皆無攷

清涼寺陁羅尼經幢

雍熙四年四月立正書石高三尺七寸凡八面圍三尺二
寸在青州府城內清涼寺

右幢刻經咒及記文凡四十二行字徑七分文稱朝譜郎
試大理評事前守青州別駕李恕年八十五家本趙州贊

黃縣趙王之後云云案趙王乃唐太宗子名禩貞觀十三年出後隱太子累遷梁州都督恕爲其後亦唐之宗室矣

普安寺磚塔題名

淳化元年立凡七石並正書大小不一在淄川縣西南普安寺俗名大薛寺

右磚塔八石宋刻者七其一是金大定間牒文也所載施主姓名皆左起

徐休復禱孔廟碑

淳化二年四月立八分書篆額碑高四尺三寸廣二尺一寸七分在曲阜縣孔廟奎文閣西門樓下

右碑額題文宣王記四字徑三寸文十三行字徑一寸五分彭辰書碑文則休復自撰詞句鄙劣不足存也

聖壽寺香幢題字

淳化二年十月立正書石高二尺凡八面圍三尺五寸二分在嘉祥縣七日山聖壽寺

右香幢八面前刻建造塔廟香幢記鄉貢進士武穆之述末云男鄉貢三礼仲舒書廟爲鄉貢學究伊顯所造故記文後先列伊氏祖父子孫名氏次列男女施主多人皆助資造幢者也

仰天山大佛寺經幢

淳化五年四月立正書石高二尺四寸凡四面圍一尺五寸四分在臨朐縣仰天山

右幢已殘闕存經文十四行記文五行字徑六分

兜水真言石刻

淳化五年五月立正書在歷城縣署內井中

右刻乾隆乙卯歷城旱出井方九寸正面刻兜水真言及年月題記凡八行陰刻明萬曆間寧陽知縣王廷薦題字八行朗齋云黃小松所藏碑拓亦有兜水靈石贊得於兗州城外井中玩其筆蹟正與此同然則此刻非祇一石矣

雲門山佛龕鄧氏題記

至道三年五月立正書石高一尺一寸五分廣二尺在雲門山陽洞西佛龕下

右碑漫滅已甚惟里居年月尚存題云口宋青州益都縣南和界住人清信男弟子鄧其名已泐又云圓頂口光異煥照耀上天競傳異相必是寺中佛像有異光神跡鄧氏感而記之下有口無瘴疫伏望諸佛護口將斯善福以證

口因皆祈佛祐之辭也

寶相寺剏修佛殿碑

咸平五年九月立行書篆額在汶上縣寶相寺

右碑及後經幢皆朱朗齋自他處借錄未詳尺寸額題剏修佛殿之記六字徑二寸文十九行碑末列銜俱從左起先縣令次簿尉而鎮將副鎮又系於後

寶相寺經幢

無年月正書在汶上縣寶相寺

右幢八面所刻皆觀音十八願文每面存字無幾以無年月可攷姑剏修佛殿碑後

靈泉廟碑

咸平六年十一月刻正書石高一尺八寸廣一尺二寸在

博山縣靈泉廟

右刻文十八行字徑一寸首題淄州重修顏神廟記案縣志載廟在長城嶺下祀孝婦顏文姜後周時建唐天寶重修至宋熙寧間始賜額靈泉此碑刻於咸平六年故猶稱顏神廟也

石佛院經幢

咸平六年十一月立行書石高五尺凡八面圍四尺二寸
在青州府城西北石佛廢刹中

右幢前面刻經文後三面刻大德行狀書多別體

明道寺舍利塔壁記

景德元年閏九月刻正書在臨朐縣明道寺

右記及銜名凡二十九行字徑五分後又刻高嵩等舍利

塔施主題名凡男婦姓氏一百十六人

勅修文宣王廟牒碑

景德三年二月立正書篆額碑高五尺廣二尺在曲阜縣

孔廟

勅修文宣王廟

額三行字徑三寸

中書門下

空三字牒京東轉運司

資政殿大學士尙書兵部侍郎知通進銀臺司兼門下封駁事
王欽若奏諸道州府軍監文宣王廟多是搆場及其中修蓋完
葺者被勾當事官員使臣指射作磨勘司推勘院伏以化俗之
方儒術爲本訓民之道庠序居先况傑出生人垂範經籍百王
取法歷代攸宗苟廟貌之不嚴卽典章而何貴恭以

睿明繼統禮樂方興咸秩無文徧走羣望豈可泮宮遺烈教父

靈祠頽闕修崇久成廢棄仍令講誦之地或爲置對之司混捶
撻於絃歌亂衽枯於籩豆殊非尚德有類戲儒方大振於素風
望俯頤於明制欲乞特降

勅命指揮令諸道州府軍監文宣王廟摧毀處量破倉庫頭子
錢修葺仍令曉示今後不得占射充磨勸司推勘院及不得令
使臣官員等在廟內居口所貴時文載耀學校彌光克彰鼓篋
之聲用洽舞雩之理候勅旨

牒奉

勅宜令逐路轉運司遍指揮轄下州府軍監依王欽若所奏施
行口至准

勅故牒空四景德三年二月十六日牒

刑部侍郎叅知政事馮拯 尚書左丞叅知政事王旦

右牒文十五行字徑一寸案此牒當時本頒布諸道而石
刻之見於山左者僅此耳

靈巖寺經幢

景德四年後五月立行書石高三尺九寸凡五面圍二尺
二寸在長清縣靈巖寺

右幢前刻尊勝經九行咒語未全似失拓也後刻清信女
弟子王氏記文年月六行字徑六分又明永樂間住僧比
邱通悟重立題記四行字徑八分

大雲寺心經幢

大中祥符元年正月立正書在嘉祥縣大雲寺

右幢八面朱朗齋自友人處借錄未詳尺寸首刻經文十
五行後刻姓氏及年月題記十二行鄉貢三禮翟若水書

御製謝天書述功德碑

大中祥符元年十月立正書篆額凡五石共高九尺廣二丈三尺一寸額高二尺八寸廣五尺五寸在泰安府南門外

登泰山謝天書述二聖功德之銘額十三字分五行字徑七寸

登泰山謝

天書述 二聖功德銘

御製御書并篆額

朕聞一區宇而恢德教安品物而致昇平此邦家之大業也考
茂典而薦至誠登喬嶽而荅純錫此王者之昭事也
結繩已往茫茫而莫知方冊所存章章而可辨因不開先流福
累洽儲休長發其祥永錫爾類故能禋祀上帝肆覲群后

追八九之遐躅徇億兆之歡心是以武王勦獨夫集大統而成
王以之東巡高帝平三猾啟天祿而武帝以之上封堊以五代
陵夷四方分裂嗷嗷九域顧影而求存容容萬民籲天而仰訴
不有 神武多難何以戡不有 文明至治何以復恭惟

太祖啟運立極英武聖文神德元功大孝皇帝積慶自始受命
無疆歷試于艱難終陟于 元后 威靈震疊 元澤

汪翔無往不賓有來斯應濟民於塗炭登物於春臺俾乂萬邦
成湯之甚盛咸宜九德文王之有聲 啟運于前垂裕於後
太宗至仁應道神功聖德文武大明廣孝皇帝洪基載紹

景貺誕膺如 日之昇燭于率土如 天之廣覆于群生

入文化成神道設教尊賢尚德下武後刑金石之音 明靈
是格玉帛之禮靈猶來同書軌畢臻典彞無闕

上元降鑒

虞舜之溫恭庶民不知唐堯之於變

重熙之盛冠絕于古

先增高之文已頌乎

成命送巡其事

謙莫大焉

肆子冲人獲守不構其德不類其志不明弗克嗣興夙識攸濟
屬以陽春屆節靈文錫慶由是濟河耆老鄒魯諸生啓予

以神休邀予以

封祀不達千里來至闕庭朕惕然而

莫當彼確乎而莫止俄而王公藩牧卿士列校獻封者五上伏
閣者萬餘以爲

景命惟新珍符紛委不可辭者

天意不可拒者群心

天意苟違何以謂之順道群心苟鬱

何以謂之從人是宜登

介丘成

大禮敦諭雖至勤請

彌固竊念

乾坤垂祐

宗祐儲祉導揚嘉氣僅洽小康

唯夫疆場以寧干戈以息風雨以順稼穡以登無震無驚既庶
既富皆

天之賜也豈朕之功歟雖則告成功紀徽號非涼德之克堪也然而序圖錄答殊頑非眇躬之敢讓也天

孫日觀

梁甫仙闕五嶽之宗萬物之始

升中燔柴舊

章斯在繼承

先志懿範遵已定之經祇事

圜丘

嚴配肅因心之孝於是詔輔臣以經置命群儒而講習給祠祀

者內有不至供朕身者無必求豐故

玉幣犧牲朕之所勤

也羽儀服御朕之所簡也精意萬志夙興夕惕誠明洞達

顯應還彰自

天垂恩正真親臨於雲駄奉

符行事子

育敢怠於政經粵以暮秋之初恭饗

清廟告以陟配孟冬

之吉虔登

岱宗伸乎對越奉

寶鑑於座左升

祖

宗以並侑禮之正也孝之始也乃禪

社首厥制咸若干時

天神畢降

地祇畢登

胼胝可期奠獻如覩其屬

也雖慚乎明德其感也實在乎至誠亦復酌鄧宮之前聞遵廿
泉之受計百辟委佩五等奉璋肆青施仁舉善勸治稽考制度
採摭風謡文物聲明所以揚二聖之洪烈歡娛慶賜所以
慰百姓之來思蓋又兩儀之純嘏七廟之餘慶邦家
之盛美蒸黎之介福豈予寡昧所可致焉唯當寤寐夤畏夙夜
惕厲不自滿假不自逸豫寵綏庶國茂育群倫以蒞穹昊
之眷命焉勒銘山阿用垂永世銘曰

節彼空三岱嶽空三歸然東方庶物伊始元感其彰自
昔受命反始空三穹蒼空三燔柴于此七十六王顧惟
寡薄恭嗣洪猷軋軋慄慄雖休勿休元符昭錫餘
慶遐流群情所迫盛則爰修前王丕顯是日告成
伊予冲眇無德而名永懷空三眷佑空三祇答空三景靈

空三
聿崇空三

嚴祀空三

用達精誠

殊祥疊委

寓縣奔馳

禮無違者

神實格恩

藏封石累

刻字山嵋

蒸民永

泰
繁祉常垂

大中祥符元年十月二十七日

御書院奉
勅摹勒刻石

右碑朱朗齋自他處借錄文五十行字徑二寸錢辛楣
少詹云宋史禮志載玉冊玉牒文而未及此銘畧之也碑
陰明巡按吳從憲題篆書泰陰碑三字俗呼爲陰字碑聶
劍光泰山道里記云是碑有二一勒山下所謂陰字碑也
一勒山上在唐磨厓碑之東字徑二寸明嘉靖間俗吏鄞
人汪坦大書題名又汝南人翟濤題名及書德星巖三字
竝鐫蓋于上每行毀三四十字不等尙有字句可認篆額
登泰山謝天書述二聖功德之銘十三字完好如初文獻

通考王欽若言唐高宗元宗二碑之東石壁南向平峭欲
卽厓成碑以勒聖製上曰朕之功德固無所紀若須撰述
不過謝上天敷佑叙祖宗盛美爾命勒石北向以答天眷
元好問東遊畧記云嶽頂封禪壇下有唐宋磨厓據此則
真宗述功德銘先經磨勒岱顛後又立碑城南也乃後人
第知有城南之碑不復知有岱頂之碑矣

御製文憲王讚碑

大中祥符元年十一月立正書碑高六尺二寸廣三尺二
寸在曲阜縣周公廟

文憲王讚

并序

御製御書并篆額

若夫夾輔文武垂範成康措刑辟而惠民制禮樂而正俗宜乎
大公剏之業克取於隆周啓伯禽之封遂成於東魯者也朕以

載新

盛典肇建明祠既峻極於徽章復掄揚於懿美讚曰

偉哉公旦

隆彼宗周刑罰以息

王澤斯流政成洛宅

慶錫魯侯

式增顯爵用煥佳猷

大中祥符元年十一月二日

勅
御書院奉
勒
石

右碑文十行字徑二寸真宗以大中祥符元年十月封禪泰山禮畢十一月初一日戊午幸曲阜謁文宣王廟遂追謚周公曰文憲王令曲阜縣立廟此碑以二日書是幸曲阜之次日也元至浙江搜集金石於鎮海縣學拓得宋大中祥符間所刻曲阜林廟圖道里地名皆可正志乘之失其中周公廟亦稱文憲王蓋卽太廟舊址也

御製文宣王贊碑

大中祥符元年十一月立碑高五尺六寸廣二尺七寸在

曲阜縣孔廟奎文閣後

元聖文宣王贊

并序

奉敕改溢日
至聖文宣王

御製御書并篆額

若夫檢玉 介邱迴輿闕里緬懷於 先聖躬謁於

嚴祠以爲易俗化民既仰 師於彝訓崇儒尊道宜益峻於

徽章增薦 崇名聿陳 明祀思形容於 盛德爰刻

鏤於斯文贊曰

立言不朽 垂教無疆 昭然

空四字 令德

空四字 偉哉

空四字

素王

空四字 人倫之表

帝道之綱

厥功茂實

其用

允臧升 升中既畢 盛典載揚 洪名有赫

懿範

彌彰

大中祥符元年十一月一日

右碑文凡十一行字徑一寸八分縣志云碑凡五石中卽此贊其旁則羣臣分贊碑陰有幸魯封誥手敕題名明宏治十二年毀嘉靖十五年重摹於石首行標題下小字注云奉敕改謚曰至聖文宣王案改謚在大中祥符五年十二月以同國諱故也此注當是後來所增

孔廟從祀先賢先儒贊碑

無年月正書凡四石俱高五尺七寸廣二尺四寸與前碑

同列

顏回字子淵魯人贈充公今進封充國公贊

金紫光祿大夫中書侍郎兼刑部尚書同中書門下平章事集賢殿大學士監修國史上柱國臣王旦撰

賢哉子淵 惟仁是好 如愚屢空 鄭幾覩奧 用行舍藏

與聖同道 封岱丁辰 益茲榮號

閔損字子騫魯人贈費侯今進封鄉邪公贊

王旦撰

結銜
同前

子騫達者 閭閻成性 德冠四科 孝先百行 人無間言
道亦希口 公袞增封 均乃天声

冉耕字伯牛魯人贈鄆侯今進封東平公贊

金紫光祿大夫禮部尚書知樞密院事修國史上柱國臣王欽
若撰

聖門達者 德行爲先 淑泗來學 頗閔差肩 天封展禮

公袞褒賢 生則命寡 死而道宣

冉雍字仲弓魯人贈薛侯今進封下邳公贊

王欽若撰

結銜
同前

不佞之人 具體之賢 登彼堂奧 用之山川 代逢偃革

禮畢升煙 錫以三壤 賚茲九泉

宰子字子我魯人贈齊侯今進封臨淄公贊

金紫光祿大夫尚書左丞叅知政事上柱國臣馮拯撰

綽彼宰予 服膺宣父 學洞堂奧 名揚鄒魯 再眷設問

五常垂矩 遇我慶成 增封茅土

端木賜字子貢衛人贈黎侯今進封黎陽公贊

馮拯撰

結前

賜之望回 獨云知二 器稱瑚璉 在禮斯貴 服道于師

名口口世 公爵進崇 時口肆類

冉求字子有魯人贈徐侯今進封彭城公贊

金紫光祿大夫行尚書左丞知樞密院事修國史上柱國臣陳

堯叟撰

謙謙令德 少著嘉聞 敏於從政 治以斯文 垂鴻報本

道遇明君 永錫徽稱 載揚清芬

仲由字子路下人贈魏侯今進封河內公贊

陳堯叟撰

結銜同前

猗歟魯哲 義勇無儔 獨立不懼 從仕惟優 欽屬仁聖

勒封介丘 褒賢進號 載顯英猷

言偃字子游吳人贈吳侯今進封丹陽公贊

朝奉大夫守尚書工部侍郎叅知政事修國史上柱國賜紫金

魚袋臣趙安仁撰

魯堂登科 視與將聖 武城之小 可以觀政 澄臺之舉

行不由徑 追建上公 素風逾盛

卜商字子夏衛人贈魏侯今進封河東公贊

朝奉大夫守尚書

下闕銜名應
是趙安仁

詩動天地 起予者商 溫柔立教 文學升堂 雅頌得所
治亂攸彰 慶成加贈 其道彌芳

曾參字子輿魯人贈鄆伯今進封瑕丘侯贊

光祿大夫尚書右僕射上柱國臣張齊賢撰

孝乎惟孝 曾子稱焉 唐虞比德 淳泗惟賢 服膺受旨
終身拳拳 封緝飾贈 永耀青編

顥孫師字子張陳口口口伯今進封宛丘侯贊

張齊賢撰

結銜同前

堂堂張也 商德有鄰 尊賢容衆 崇德依仁 入趨函丈
退而書紳 升中優贈 道與名新

澹臺滅明字子羽武城人贈江伯今進封金鄉侯贊

特進行戶部尚書上柱國臣溫仲舒撰

不由徑行 其直可貴 不私見人 其公可畏 豩蛟旣勇

毀壁且義 紀號益封 旌厥賢士

宓不齊字子賤魯人贈單伯今進封單父侯贊

溫仲舒撰

結銜同前

口生良材 爲魯君子 堂上琴作 邑中民治 伍人致逸

受教成美 展禮崇賢 疏爵有焯

南宮縚字子容魯人贈鄒伯今進封襄丘侯贊

特進行戶部尚書上柱國臣寇準撰

南容君子 尚德聖門 有道不廢 危行孫言 白圭三復

執慎思存 廣成旌善 賗壞佳藩

公哲哀字季次齊人贈杞伯今進封曲阜侯贊

寇準撰

結銜同前

賢哉季次 履潔居貞 卷懷不仕 家臣是輕 素王攸歎
式昭令名 封懲均慶 侯社疏榮

曾點字子皙魯人贈宿伯今進封萊蕪侯贊

三司使修玉清昭應宮使朝請大夫給事中護軍賜紫金魚袋
臣丁謂撰

侍坐魯堂 各言其志 舍瑟而對 超乎冉季 浴沂舞雩
詠謌道義 遇我慶成 錫壤進位

顏無繇字子路魯人贈杞伯今進封曲阜侯贊

丁謂撰

結銜同前

素王將聖 實爲我師 顏子殆庶 趨庭學詩 謹車無愧

陋巷安卑、追榮侯服、逢此上饌

商瞿字子木魯人贈蒙伯今進封須昌侯贊

翰林學士朝散大夫守給事中知制誥同修國史上輕車都尉
賜紫金魚袋臣晁迥撰

易之爲善、窮理盡性、瞿也親受、抗心希聖、章編靡釋

素風允競、展禮封侯、千載輝映

高柴字子羔衛人贈共伯今進封共城侯贊

晁迥撰

結銜同前

猗歟子羔、孝心篤矣、惄終銜恤、未嘗見齒、難能而能

君子知已、口口口崇、於斯爲美

漆雕開字子若蔡人贈滕伯今進封平輿侯贊

翰林學士同修玉清昭應宮使中散大夫行尚書工部郎中知

制誥護軍賜紫金魚袋臣李宗諤撰

闕里之堂 邈矣難造 猶歎子若 實覩其奧 學優當仕

非乃攸好

明祀益封 式稽古道

公伯寮字子周魯人贈任伯今進封壽張侯贊

李宗諤撰

結銜同前

孔門達者 服膺聖域 函丈據衣 其儀不忒 顯允君子

有典有則 禮洽慶成 爵封侯國

司馬耕字子牛宋人贈向伯今進封楚丘贊

翰林學士中大夫行尚書兵部員外郎知制誥同修國史判史
館事杜國賜紫金魚袋臣楊億撰

仁遠乎哉

其言也訒 盧德實歸 沓思旁訊 遷難迷邦

奚虞悔吝

疏爵丁辰 審名以峻

樊須字子遲齊人贈樊伯今進封益都侯贊

楊億撰

結銜同前

學優乃仕

齒于家陪

戒車爲右

誓衆靡同

質疑辯問

仁智旣該

建侯追榮

垂裕方來

公西赤字子華魯人贈郤伯今進封鉅野侯贊

銀青光祿大夫行御史中丞兼尚書工部侍郎上柱國臣王嗣

宗撰

翊聖賢者

徂徠之英謙言小相終成大名立朝儒雅

出使光榮

佐佑禮法諸侯作程

有若字子有魯人贈汴伯今進封平陰侯贊

王嗣宗撰

結銜同前

魯國高士

口念蒸民

口口口口

口類聖人

口口口口

信義是陳

口口口口

龜鑑群臣

原憲字子思魯人贈原伯今進封任城侯贊

光祿大夫行尚書右丞上柱國臣向敏中撰

賢哉子思 介然清淨 貧惟固學 道乃非病 衣冠忘斂

草澤遂性 升中進秩 垂芳尤盛

公冶長字子之魯人贈莒伯今進封高密侯贊

向敏中撰

結銜同前

德行貞純 公冶孰倫 本非其罪 枉拘厥身 魯堂推善

孔門配姻 倩口之貴 久而彌新

巫馬施字子期魯人贈鄆伯今進封東阿侯贊

金紫光祿大夫行尚書吏部侍郎上柱國臣趙昌言撰

英英子施 受天和氣 口登魯堂 位沈周季 猶口戴星

庇民爲治 讓德進封 垂芳永世

陳亢字子禽陳人贈穎伯今進封南頓侯贊

趙昌言撰

結銜同前

於美子禽 服膺尼父 問一得三 垂訓千古 名由實賓
德以位序 運屬封轡 爵崇介土

梁鑑字子魚齊人贈梁伯今進封千乘侯贊

朝請大夫行尚書金部口口口知制誥判集賢院事上護軍賜
紫金魚袋臣周起撰

元聖舊邦 森然精爽 於惟子魚 式瞻遺像 紀號停鑾
侯封錫壤 儒道有光 百王所仰

口口口口柳魯人贈蕭伯今進封陽穀侯贊

周起撰

結銜同前

增封雲嶺 詔蹕魯堂 顯允君子 令儀有章 英槩如挹

德口不忘 橫亘千古 淳風載揚

冉儒字子魯魯人贈紀伯今進封臨沂侯贊

朝奉大夫尚書戶部郎中知制誥上護軍賜紫金魚袋臣李維
撰

聖人之道 一以貫之 允矣子魯 堂奧斯窺 惟帝登岱

克陳上儀 追封侯社 沂水之口

冉季字子產魯人贈東平伯今進封諸城侯贊

李維撰

結銜同前

冉子挺生 鍾是純粹 游聖之門 切磨道義 時邁升中

禮成肆類 錫壤諸城 式昭遺懿

伯虔字子哲魯人贈聊伯今進封沐陽侯贊

朝散大夫行尚書比部員外郎知制誥同知通進銀臺司兼門
下封駁事上輕車都尉賜紫金魚袋臣王曾撰

肅肅魯堂

侁侁闕里

伯氏達者

克肖夫子

運偶慶成

禮崇追美

後學式瞻

高山仰止

公孫龍字子石楚人贈黃伯今進封枝江侯贊

王曾撰

結銜詞前

子石鉅賢

探微博古

稟粹荆衡

從師鄒魯

令聞不已

儀形斯覩

展義疏封

遂荒故土

秦冉字子開蔡人贈彭衙伯今進封新息侯贊

起復銀青光祿大夫行右諫議大夫知制誥上柱國臣錢惟演
撰

惟聖享天

陟于神房

惟帝尊道

升茲魯堂

口口君子

宛兮清揚　口口先烈　錫諸袞章

秦祖口口口口贈梁伯今進封鄆城侯贊

錢惟演撰

結銜同前

穆章甫

之輔

原關此行

漆雕哆字子敏魯人贈武城伯今進封濮陽侯贊

朝請大夫尚書戶部郎中龍圖閣待制集賢殿修撰上護軍賜紫金魚袋臣戚綸撰

闕里稱賢　哆也其一　學以適道　名參入室　昔爲連者
今逢盛日　俾俟濮陽　膺茲寵秩

顏高字子驕魯人贈瑯邪伯今進封雷澤侯贊

戚綸撰

結銜同前

魯國諸生 蘦氏爲盛 達者升堂 是亦希聖 龍章載加

侯服輝映 名著遺編 人師往行

壞駟赤字子徒秦人贈化徵伯今進封上邦侯贊

朝請大夫尚書工部郎中龍圖閣待制集賢殿修撰同修起居
注上護軍賜紫金魚袋臣陳彭年撰

猗歎壞駟 信而好古 口駕咸秦 梱衣鄒魯 言必成文

動不踰矩 成禮介丘 追榮社土

漆雕徒父字子期魯人贈須句伯今進封高苑侯贊

陳彭年撰結銜同前

受敎聖人 服勤墳籍 如彼時術 故能日益 元封慶成

介圭追錫 圖形繪素 鎏美金石

石作蜀字子明秦人贈口邑伯今進封成紀侯贊

朝散大夫尚書工部郎中直昭文口口口都尉臣陳充撰
宣尼日月 無口而踰 輿有哲士 嘗口學徒 登封偶聖

至德崇儒 以地進爵 斯文口殊

任不齊字子選楚人贈任城伯今進封當陽侯贊

陳充撰

結衛同前

荆衡誕粹 賢生其中 服膺數仞 誠明感通 地邇長坂
爵嘉素風 废遵祀典 列在儒宮

林放字子丘魯人贈清河伯今進封長山侯贊

朝散大夫尚書主客郎中直祕閣上護軍賜紫金魚袋臣才衍
撰

子丘明哲 道洽素風 問理之本 爲儒所宗 東嶽稱美

長山表封 云亭告畢 慶澤薦隆

商澤字子季魯人贈睢陽伯今進封鄒平侯贊

刁衍撰

結銜同前

子季從師 服膺儒雅 闕里垂名 同於達者 背寵睢陽

今旌鄒野 遷偶登封 萬臻純嘏

申根字子續魯人贈魯伯今進封文登侯贊

朝散大夫行右司諫直史館輕車都尉臣張知白撰

洙泗之秀 橫經魯堂 名亞十哲 道尊五常 時巡駐蹕

闕里增光 封侯錫命 □□□

公良孺字子幼魯人贈東牟伯今進封牟平侯贊

張知白撰

結銜同前

子幼真賢 從師宣父 服膺大猷 配享終古 運屬聖神

時巡鄒魯 五等疏封 三綱式敍

曹卹字子循蔡人贈魯伯今進封上蔡侯贊

朝散大夫尚書兵部員外郎直史館護軍賜紫金魚袋臣楊紳
撰

三千孔徒 七十賢者 子循服道 聖門之下 笙簧經籍
輔翼儒雅 爵爲蔡侯 名器匪假

奚容歲字子晳魯人贈下邳伯今進封濟陽侯贊

楊紳撰

雍容子晳 口勤儒墨 闕里橫經 魯堂師德 背從游聘
今遂檢勒 皇錫信圭 淑潤改色

句井疆字子野衛人贈淇陽伯今進封溢陽侯贊

朝散大夫行尚書刑部員外郎直史館護軍賜紫金魚袋臣查
道撰

衛之君子 達者比肩 服勤鼓篋 學慕韋編 升中草慶

儒術攸先 微侯疏爵 闕里之賢

申憲字子周魯人贈邵陵伯今進封淄川侯贊

查道撰

猗歟子周 軀蒙垂裕 背參八九 今逢三暮 淄川錫壤
儒風載路 檢玉旌賢 昭我王度

縣成字子祺魯人贈鉅野伯今進封成武侯贊

朝散大夫行尚書祠部員外郎直集賢院上輕車都尉臣石中
立撰

異能之士 孔徒寃繁 悅服至德 祖述微言 富稟天爵
游乎聖門 追崇之典 肅以侯藩

左人郢字子衡魯人贈臨淄伯今進封南華侯贊

石中立撰

循循善誘 從師口口 口口口義 口口口口 口修道隆

口口斯盛 口儒建侯 口口休命

公祖句茲字子之魯人贈期思伯今進封卽墨侯贊

朝請大夫尚書祠部員外郎直集賢院輕車都尉臣梅詢撰

子之生魯 從師尼父 愉恂闕里 娥峨章甫 非聖勿口

惟道是與 千古而口 口侯齊土

榮旂字子祺魯人贈零陵伯今進封貳次侯贊

梅詢撰

聖人之門 學者侁侁 彼美子祺 行脩志淳 異端滋害

微言服勤 格于我宋 侯封是新

顏之僕字子叔魯人贈口武伯今進封冤句侯贊

朝奉郎行太常博士直史館同修起居注輕車都尉賜緋魚袋
臣崔遵度撰

洙水悠悠 子叔優優 及肩等賜 升堂並由 元后時邁

禮成介丘 旌此達者 爵爲列侯

蘧瑗字伯玉衛人贈衛伯今進封內黃侯贊

崔遵度撰

結銜
同前

達哉君子 外寬內正 好禮直躬 衛風斯競 瑞命昭錫
元符報慶 俾執口口 千齡遇聖

顏喻字子聲魯人贈朱虛伯今進封濟陰侯贊

三司鹽鐵判官宣德郎太常博士充集賢校理賜緋魚臣張象
中撰

回也庶幾 諸顏近之 淚泗受業 汝上從師 輔翊儒道

經營德基 俾俟于濟 爰子攸宜

步叔乘字子車齊人贈淳于伯今進封博昌侯贊

張象中撰

結銜同前

聖人之門 子車服勤 學以時習 道宜日新 數仞爰處

函丈是親

追封遺烈

旌美儒臣

叔仲會字子期魯人贈瑕丘伯今進封博平侯贊

朝散大夫行太常博士直史館上護軍臣劉鍇撰

斯文有宗 吾道不窮 執筆迭侍 惟賢比崇 少成習貫

函丈順風

東巡駐蹕

濡澤儒宮

顏何字子冉魯人贈開陽伯今進封堂邑侯贊

劉鍇撰

結銜同前

木鐸與教 英賢輔翼 猶歎子冉 優張文德 孝悌承風

詩禮是則 千歲丁辰 始開侯國

狄黑字子晳魯人贈臨濟伯今進封林慮侯贊

朝散大夫行太常博士直史館上輕車都尉臣姜嶼撰

矯矯子晳 來學有口 依仁游藝 摄齊升堂 羽儀先聖

物色上口 林慮錫壤 百世之光

燕伋字子思秦人贈漁陽伯今進封汧源侯贊

陳知微撰

八九之徒 俱傳大義 賢哉子思 道本無婉 鍾靈咸鑄

浴德洙泗 增封汧源 皇澤斯被

鄭國字子徒魯人贈榮陽伯今進封朐山侯贊

三司戶部判官朝奉郎行太常博士直史館騎都尉賜緋魚袋

臣陳知微撰

懿彼子徒 挺生闕里 日遊聖門 躬受微旨 德音孔昭

令聞不已 疏爵朐山 式精遺美

秦非字子之秦人贈汧陽伯今進封華亭侯贊

王隨撰

七十之賢 口傳聖道 彼美子之 口鑾堂奧 珍席圭璋

口宮黼藻 列爵華亭 口名長保

施之常字子恒魯人贈乘氏伯今進封臨濮侯贊

朝奉郎行太常博士直史館騎都尉賜绯魚袋臣王隨撰

懿彼施常 學深儒雅 魯國口賢 孔堂建者 跡晦口口

德高言寡 侯封是口 口錫純嘏

孔忠字子蔑魯人贈汝陽伯今進封鄆城侯贊

開封府推官承奉郎守太常丞直集賢院騎都尉賜绯魚袋臣口

口口撰

賢哉先生 聖口夫子 道貴希聖 口斯行已 闢里服膺

國庠從祀 載享侯封 式昭德口

邦翼字子欽日人贈平陸伯今進封高堂侯贊

朝奉口口太常丞直史館臣陳口撰

展口口欽 孔門高弟 口範將聖 博約六藝 斯謂達者

顯於當世 追封列侯 流芳來裔

公西輿字子止齊人贈重丘伯今進封臨朐侯贊

宣德郎守口口口口口口口賢院騎都尉賜緋魚袋臣范口

撰

鍾美齊疆 從師魯國 展矣斯人 道臻聖域 禮墨金繩

慶敷文德 蘭享侯封 永光廟食

公西歲字子上魯人贈祝阿伯今進封徐城侯贊

朝奉郎大理寺丞祕閣校理武騎尉臣劉筠撰

魯多學者 口勤游聖 祝贏惟肖 岁也成性 緯有餘裕

是亦爲政 追侯于徐 用均天慶

琴牢字子開衛人贈南陵伯今進封頓丘侯贊

宋綏撰

反魯之始 從師去里 不試故藝 善言攸紀 非義罷弔

崇仁爲美 銘巒益封 用旌君子

左丘明今封瑕丘伯贊

丁謂撰結衡同前
後仿此

猗歟左氏 聞道素王 依經作傳 微旨用彰 詞有餘韻

人希末光 廣封錫壤 廣魯之疆

公羊高今封臨淄伯贊

晁迥撰

高也解經

辯裁咸服

學官所傳

齊名左穀

追獎肇封

宸心允屬

闕典彌縫

斯文載郁

穀梁赤今封龔丘伯贊

李宗謗撰

仲尼修經

感麟絕筆

赤也發揮

奧義斯出

立學名家

道隆盛日

列爵疏封

式崇儒術

秦博士伏勝今封乘氏伯贊

楊億撰

伏生明經

爲秦博士

祖習微言

流離牽齒

壁藏其文

口授厥旨

建號旌儒

錫封仁里

漢博士高堂生今封萊蕪伯贊

周起揚

秦麻告窮

炎靈啟祚

篤生令人

允貞口度

名教斯宗

口文有素

勒封告成

式昭餘裕

漢九江太守戴聖今封口口伯贊

李維撰

安土治民 惟德爲急 賴君大儒 發揮講習 傳授實繁

其口遂立 均慶疏封 寓口斯及

漢河間博士口口口口口口贊 口口口

孔口受業 商也言詩 研精詁訓 誰其嗣之 毛公興學
永代師資 疏封錫命 禮治禎期

漢臨淮太守孔安國今封曲阜伯贊 鐢惟演核

顯顯臨淮 聖人之系 訓傳遺文 克示永世 繪像廟庭
聿章善繼 東巡受封 是口口異

漢中口校尉劉向今封彭城伯贊 咨綸撰

漢宣之世 穀梁興學 子政口口 煥乎口覺 道業口口

口流遐邈 展采逢口 寓章優渥

後漢大司農鄭衆今封中牟伯贊 陳彭年撰

經禮三百 垂世作程 仲師爲訓 其義昭明 周官先覺

漢室名卿 元封班慶 茂爵追榮

後漢河南杜子春今封侯氏伯贊

三川一室 英口口口 學窮周制 舉薦儒宗 杏壇闕里

差有比蹤 一命作伯 慶我天封

後漢南郡太守馬融今封扶風伯贊

季長博洽 爲世通儒 名立訓傳 善誘生徒 東觀文炳

南國化學 朝圭之贈 明我弁服

盧植今封良鄉伯贊

朝散大夫行太常博士直史館輕車都尉臣路振撰

堂子幹學洞今古業紹師聞騁六四府登朝抗議

排戈赴主 吉禮告成 遂聯圭組

後漢大司農鄭元今封高密侯贊

路振撰

漢德云季 藝文乖舛 實生純儒 克明大典 學徒旣盛

師道益顯 疏爵昌辰 允彰積善

九江太守服虔今封榮陽伯贊

路振撰

子慎清介 文采譜口 博通經史 爰作口口 百世之下

皇明口傳 登岱錫封 永口口勝

後漢侍中賈逵今封岐陽伯贊

王曙撰

猗歟景伯 爲世通儒 發明左氏 富而不誣 禮成大報

澤浹中區 肅圭褒異 垂勸生徒

後漢諫議大夫何休今封丘城伯贊

朝奉郎太常博士騎都尉賜緋魚袋臣王曙撰

何侯博達 含章履溫 作爲墨守 是謂專門 仙闕接流

鶯鳴推口 思樂膠序 魏風口口

衛將軍太常蘭陵亭侯王肅今貽司空贊

王曙撰

子雍秉彝 凛然正色 達學多聞 能空先識 益厚增高

崇儒尚德 介圭追榮 丹口載飾

魏尚書郎王弼今封偃師伯贊

朝奉郎守太常丞直史館臣陳口撰

易之爲教 累靜精微 卓哉輔嗣 極慮研幾 大才逸辨

元理發揮 慶成疏爵 用峻等威

杜預字元凱今封司徒贊

大理寺丞充祕閣校

博學多聞 昔稱傳癖 裕例旣詳 異論斯斥 逮我慶成

布昭純錫 追寵公台 增芳疏佚

漢豫章太守范甯今封新野伯贊

朝奉郎大理寺丞集賢校理臣宋綏撰

豫章篤學 通覽墳籍 研講清婉 沈精善釋 準裁羣疑

敷陳至頤 運偶慶成 疏封濡澤

此與前文宣王廟贊皆嘉靖丙申重摹本也末有蔡經跋
云宋祥符間真宗有事泰嶽駐蹕闕里躬率侍臣虔修祀
典先聖諸賢咸有贊述勒珉建亭用垂永久迨元兵燹文
字剝落至不可辨茲加考校重刻諸石其有弗徵姑闕以
俟今碑中空處皆原闕也文內南宮絢進封蕪邱侯誤作
襲邱鄭國贊式旌遺美誤作式精馬融贊明我弁服服字
與上文儒徒孚韻不諧至顏噲孔忠二贊撰人皆賜緋魚
袋碑脫袋子蓋摹刻之失也先賢凡七十二人先儒凡二

十一人其次序則左右各列二碑第一人從左碑起第二人從右碑起自此一左一右以迄於終今皆依原次錄之以存一代掌故云

廣禪侯祠祭告文碑

無年月行書在泰安縣南亭亭山廣禪祠

右碑下截闕損前列封號勅後列祭告文凡十一行字徑一寸聶劍光泰山道里記云亭亭山在縣南四十餘里宋真宗大中祥符元年封山神爲廣禪侯遣秘書丞直史館姜嶼致祭有御製碑卽此刻也此事宋史失載

張濟賢等祀文宣王廟題名碑

大中祥符元年十一月立正書碑高四尺二寸廣二尺在

皇宋膺

天命之三葉大中祥符紀號之元年奠玉泥金封于

岱嶽

慶成

空五
字

廻蹕錫宴兗州十有一月朔

皇帝躬謁

元聖文宣王廟特以太牢致祭

一 詔舊相吏部尚書張齊賢

攝太尉行禮以元老而奉

空四
字

聖師式彰

國家崇儒術而

厚羣生矣復

命中貴人內殿崇班李廷訓監肅祀事益示蠲潔而嚴典禮也

自太尉而下太常少卿陳象與侍御史李虛己兵部外郎直史

館張復祕書丞初嘆涂餗蘇國華張摲殿中丞張延熙趙遂良

陳延賞太祝蔡文儼奉禮王克正李惟熙康希齡咸祇祀事謹

刻貞珉歲次戊申仲冬四日辛酉記

右碑文十行字徑八分刻於景德三年修文宣王廟勅牒
碑陰無標題及書人姓氏縣志云勅牒碑陰有大中祥符
元年代祀闕里記孔勣撰案真宗以大中祥符元年十月
封禪泰山十一月初一日戊午幸曲阜謁文宣王廟特以
太牢致祭則張齊賢奉命行禮卽在真宗謁廟之日越四
日辛酉孔勣乃作此記也

孔廟賜物勅牒二碑

大中祥符二年四月立正書二碑俱高三尺一寸一廣三
尺六寸一廣三尺九寸在曲阜縣孔廟同文門

一昨降赴

元聖文宣王廟充供養器物等

渾金渡銀香爐壹座實重壹伯兩

渾金渡銀香令壹具實重伍拾兩并掠香壹合

渾金渡銀移株子貳柄實重叁兩

渾金渡銀移株子貳拾隻

諸般香藥共貳拾袋子封印全

黑漆香藥匣子壹隻鑲鑰全

緋羅銷金帕子壹條黃絹襍一條

右一段上下二列共六行正書徑七分在右幅

牒奉

勅國家尊崇師道啟廸化源眷惟鄒魯之邦是曰詩書之國尼山在望靈宇增嚴朕以登岱告成廻鑿欵謁期清風之益振舉綱禮以有加式資誨誘之方更盡闡揚之旨宜以所賜

太宗皇帝御製御書與九經書并正義釋文及器用等並置於

廟中書樓上收掌委本州長吏職官與本縣令佐等同共檢校
在廟如有講說釋奠並須以時出納勿令損汚此勅文仍仰刊
之於石昭示無窮牒至准

勅故牒

大中祥符二年四月 日牒

工部侍郎叅知政事趙

尚書左丞叅知政事馮

中書侍郎兼刑部尚書平章事王

右勅牒一道十五行行十八字行書徑一寸三分許在左
幅已上一碑

中書門下牒元聖文宣王廟

入內內侍省內侍殿頭張文質奉

聖旨於御書院交割到裝稅

太宗皇帝御製御書文字壹部共伍拾柒件計壹佰伍拾柒卷
軸策并內降金渡銀器物色等并九經書及疏釋文并三史書
管押赴兗州曲阜縣 元聖文宣王廟收掌

一

太宗皇帝御製御書空二字 御製十二願壹卷 御製心輪偈頌

壹部計壹拾壹卷 御製逍遙詠壹部計壹拾壹卷 御製祕

藏詮壹部計叁拾卷 御製緣識壹部計伍卷 御製金剛經

宣演壹部陸卷

已上紫大綾絹夾襍子五色經帶子朱紅兩頭木軸子

御草書孝經壹卷 御製御書秘閣贊壹卷 御草書千字文

壹卷 御入分書千字文壹卷 御書大字孤城詩壹卷 御

書法帖壹部計壹拾貳卷 御製九絃琴阮歌壹卷 御製喻

言壹卷 御草書急就章壹卷 御八分書真定王碑壹卷

御草三般大字詩叁卷 御草書筆法壹卷 御顏草書壹卷

御製聖教序雙鉤書壹卷 御製四體五體書貳卷 御製

無名說壹卷 御製日行誠壹軸 御八分書故實壹卷 御

製筆法歌壹卷

已上紫大綾絹夾標子五色經帶子黑漆兩頭木軸子

御草書諸雜詩簇子貳拾軸 御飛帛書帝佛字貳軸

帛書有注無注簇子貳軸 御飛帛書遠看不假詩貳軸

御製心輪圓壹軸 御草書故實柒軸 御製有益無益銘壹軸

御製惠化行壹軸 御篆書孝經碑陰額壹軸 御八分書

秘閣贊碑額壹軸

已上紫大綾絹夾標子黃絹帶子黑漆兩頭木軸子

御倣鍾繇書壹卷 御書小字法帖壹卷 御草書詩壹卷

御札百官厯頭壹卷 御草書自述壹卷 御書大言賦壹卷

御製聖教序壹卷 御製怡懷詩壹卷 御製今體律言詩壹

卷 御製古調十韻詩壹卷 御製七言詩壹卷 御製喻言

壹卷 御製五言詩壹卷 御製御書五言詩壹卷 御製碁

譜壹卷 御製碁勢譜壹卷 御製碁勢壹卷 御製廻文心

輪圖壹卷 御製御書秘閣贊碑壹序 御草書孝經碑壹序

已上紫大綾絹夾標子五色經帶子黑漆兩頭木軸子

御製動懷篇壹策 御製廻文詩壹策

已上紫大綾單標子裝

右牒一道共二十九行行字多寡不等並正書首行徑寸

二分許入內已下並六七分已上一碑

按縣志載大中祥符元年十一月賜孔子廟經史又賜大宗御製御書一百五十卷藏於廟中此碑牒書二年四月者蓋降勅在上年十一月而賜物在此年四月也其中御製御書多可補宋史藝文志之闕碑云渾金渡銀案廣韻鍍金飾物也通作塗又作度此碑作渡又字之變也

封祀壇頌碑

大中祥符二年七月立行書篆碑高一丈一尺廣四尺六寸在泰安府城東南四里

大宋封祀壇頌額二行字徑三寸

大宋封祀壇口 天書儀衛使 封禪大禮使推忠協謀同德佐理功臣金紫光祿大夫中書侍郎兼刑部尚書同中書門

旅乃肆口口口順口口口口殊爲民祈福之意口武紀
號口石口口故封開元陳信口玉牒之不秘典章口存風烈口
觀口口難行禮從茲絕洎四方之併擾屬五代之口夷但恣尋
戈不遑置器俎豆之事掃地將盡塗炭之俗禦天無享陰隲下
民誕口口口口口口口口口口口口口口口口口口口口口
聖光啓丕運空七
字口宋三葉在口天下五十載矣

太祖啓運立極英武聖文神德元功大孝皇帝之創鴻業也名
膺帝籙運契天飛微軌道之降鄙牧野之口口口軒之神武口
漢口口口口口口號陟元后集大勳望風而海外駿奔
端辰而天下寧晏

太宗至口應道神功聖德文武大明廣孝皇帝之恢寶圖也天
縱多能體膺上聖徇齊矯哲居質以成德文明中正開物以成

口凝口口口口口及策賢良率土致覆孟之安丕基成磐
石之固

崇文廣武儀天尊道寶應章感聖明仁孝皇帝聖道日躋大明
繼照尹一邑也神明之政四方是則踐承華也元良之德萬國
以貞圖口口金言口咸格遵顧命而主神器極孺慕而纂

宗祐守口口口口口於百王熙庶政敘彝倫智周於
萬物口爵出祿褒德念功若歸照之代明法雲雷之作解繼志
述事樹經久之規弛禁省官布寬大之令口張文理薦視學於
上庠振舉武口口口口近甸厚時風而敦世教訓戎昭而數
軍實爾者邊吏致告時巡口口口口口檄森口揚大聲秉
武節惇口口口口民繼好一介交聘靡宣金革之威六師不陣
還於衽席之上綏帶喧哺而式和民則發弓口刃而止嚴武備

於是修墜典緝遺文口口口口三王之禮訓奉常考六代之樂渴謙議則下周爰口詔口口口則申口口口口口獄訟申飭王官簡孚而用平刑口口而行輕典敦敘公族立建成藩大牙之制是崇麟口之詠斯洽設猶狩口禮止於從時修宴射之儀予以觀德勞身焦思有口口之憂勤革屢弋綿邁漢文之恭儉卜郊定位參歷上陵口口口口口久口之口口脂澤而哀慟入石室而涕洟至性感于人神元德格于上下紫宸議政勵精於日與金華侍講不寐於宵分校正蘭臺之書增建石渠之閣規模廣於麗正典籍備於宣明深味道腴以資治本帝堯稽古虞舜好問以聲身而爲律度執規矩以定口口百姓爲口推恩而逮下萬方有罪引咎而在予德教被口無垠皇明燭於有截兵偃刑措道茂化醇百嘉阜昌庶萌樂育獨邇陶甄

之上不闡鴻均之祚訪空峒之道採康衢之謠夷夏大和天人
交感必彰嘉應以元通門號承天節臨獻歲真官奉其

丕口口以先期秘檢煥於

靈文口口清旭受釐宣室躬口

丹書錫無疆之休諭大中之理錄是覃如春之澤易紀年之號
且斯文未作伏羲氏觀象以畫八卦有神馬負圖之瑞洪水方
割夏后氏底績以導百川受元夷使者之命比口口口異代司
符口口口口之岷謳謠口外鴻筆麗藻之彥頌美於內於是東
土著艾闢里諸生連袂而來抗章以請洎恩皇之士卽序之戎
藩獄大臣縕黃衆品伏閣叩首請封禪者無虛日矣僉以爲祥
瑞雜沓 天意也中外傾矚人事也牂牁越雋朱崖象郡之
瑞俱入於提封口口口東鯀江口鄙忝之類悉從於班貢矣羣

情悃愞式佇於慶成上帝顧懷不可以謙拒書上者至于五

三

字上不得已而俞之誕告庶邦載形明詔將以奉揚

空三字

先烈

非謂告厥成功申命輔弼之臣諭以簡易之道經始勿亟無擾

于民且山爲嶽鎮之宗地口口禮之國周孔垂教乃始封載誕

之邦陰陽相代是育粹炳靈之府當僻工之際歲事之初明誠

以孚

空三字

元鑒先答應龍有翼蜿蜒而下垂醴泉無口瀵沸而

自涌芝含三秀匝地而羅生日麗九華得天而綯采麟介之細

草木之微口異効奇紛綸疊委而口心粹清凝思元牝乃因

華胥之夢再覩姑射之神告以

玉青降於神房之麓著之黃素得於季夏之初接日奉迎備禮

祇若爰疇咨於封祀固膺合於

空三字

穹旻亟命有司草定大典

採摭清議討論舊章卽事用希其禮多闕酌口訓以革正叅制

度以折衷古文逸禮之靡記議郎博士之未達上資元覽洞析

於精微無望清光悉臻於體要穆卜涓日掌故奏儀申必告之誠躬祠清廟以就盈之月有事分邱先齋紫宸載止禁籞屏簫韶之備樂以極靜專却太官之常膳以御非薄清畿式道雲會星口口口蹕之啓行奉天書以先路備設儀衛增置官屬極恭肅而尊

天脫也采草之盛藻縕原熙武衛之雄震疊區寓八方述職萬旅騰袞讓塗而行外廬不閉奔走會同之際端肅而無譁威發栗烈之時融和而可愛民絕札瘥之患物有蕃庶之詠供帳不系而口口口不戒而備歷東郊之屬邑抵澶淵之口口軍國異口修文事而有武備土誦夾侍掌方志而道地圖風伯清塵招搖參乘周覽臨濮少畱汶陽戒晉庶官申嚴執口靖恭爾位恪謹攸司羽衛具陳乘輿乃出垂翠綾而鳴寒玉載瓊口而擁雲

罪天口景從禁旅前軀八神齊奔萬物咸覩卿雲待族仙禽成
侶俯法從而交蔭覽德輝而翔澤口光下燭口口騰芒觀口式
瞻奏牘狎至溢簡編而不可載者圖謀而未始聞下詔肅祇柴
望而告至儲精蟻漫淵默而齋居祀前一日未質明備法駕至
於山趾更衣於帷殿上乃乘輕輿陟絕巒躋日觀出天門築
圜臺於山上度地宜而循古制也升山之前夕曾雲蔚興嚴飈
暴起達曙振野而未已有司失職而是憂消空三寶錄先登華
蓋徐至焚輪止息寥泬清霧若胚渾之初判狀羣靈之先置辛
亥祀空五昊天上帝設空三天書位於左次登歌樂作奉迎就
位顯奉符而錯事也

二聖嚴配定位側向以申恭事表繼志而奉空三天也亞獻終
獻作之樂章以爲禮節一其儀而申昭事也祝史正辭祕刻勿

用黎元蒙福孚祐是祈克其已而厚勤卹也裘冕俯僂金石鑑
越捧珪幣奠犧象絡金繩而斯畢飛紫燎而上達舒遲贊禮陟
降盡恭明德之馨至誠之感苾芬以薦躬鑾如蒼通帝鄉之岑
寂接雲漢之昭回協氣上浮纖羅不動神築錫靈長之祚日卿
奏殊尤之瑞垂紳委珮蹈舞齋室之前鼇抃山呼響震層霄之
外山下設壇四成如圖丘之制乃命茂親以承大祭崇口口羽
以斯且潔粢豐盛而在列萬靈咸秩四隩來同空三字九宮貴神
實司水旱吾民是依勤繫條舒厥職尤重命築壇于山下封祀
壇東率禮吉蠲詔大僚以尸其事壬子祀空五字口地祇於社首
百司承式慎之至也三獻盡誠禮無違者翌日 朝口壇覲
羣后輯五瑞千品成列萬國胥洎英莖韶夏以徧作饌侏兜離
而次設風行赦令雷動歡聲祝網之仁普霑蓼蕭之澤遐被大

明之照徧燭於蔀家崇朝之潤周濟於天下昭示

空三字

聖作以

志

空三字

元封日星炳其天章鸞龍奮其仙翰感祚德

空三字

元貺

遂

空三字

元表之鴻猷金玉其相與典墳而並驚神靈是保揭日

月以長新復有道濟生民名在祀典功德兼茂跡用

空三字

著者煥

乎空三字

睿文特形贊口刊於翠琰貽厥方來而乃祀喬嶽之靈

幸列真之口俾加賁飾用極褒崇口老申合飲之私勞口

空三字

復之惠命口口採詩觀風聘有道而省高年平權衡而考制

度官克用乂黜幽之典靡行化洽可封歸厚之民咸若懷

空三字

攸恤幽隱咸達乃

翠華之旋軫臨曲阜之故墟升講肆之堂

屈口風之拜徘徊設奠眷想遺風口

空三字

聖之禮有加卹後之恩靡

渥以經口口口地載口口口口周公旦啓真王之封太公望

空三字

進昭烈之號咸建廟貌領於祠官按節迴鑾輶闕表墓碑走羣

進

空三字

廟貌領於祠官按節迴鑾輶闕表墓碑走羣

望冈不遺靈河濟之區海岱之壤南暨淮漢北際常趙梯航萬國冠帶諸酋四遠雲來千里星屬聽清蹕口口口口口得膺仁壽之口口覩口口口事扶老口口口口口龍迴御七萃解嚴太史揆辰近臣奉祀藏侑神之金匱上加謚之寶冊舉歸格藝祖之禮親響空四字太宮考飲至榮勳之典惠綏列辟盡空三聖人之能事成天下之壯觀前口所記纔十二口口口斯廢僅三百口口口口空三字天命口口口口口口口時

烈祖造新邦臻大定經制而未遑空五字神宗求至理致升平業

成而中罷遺茲景烈屬在欽明丕顯詒謀奉成空三

先口口口太號永口口名口口口姓考瑞口大統也勒石垂口昭茂功也人神口和口口口盛德也空三口口定口

祖考嚴配大孝也報本空三宮昊歸功空三宗祐謙尊而從衆

欲禮畢而受徵稱克讓之風高視於前古矣下尺一之詔嚴禁
止之口口口口葦口口口口好生之德口口於羣心矣服純衣
而在口御口口口口口別謝口口致美撤冕減乘口服御之
物罷周廬次舍之制則維新禮器增飾壇壝故空三字翼翼之心
精意以享有典有則必躬必親寅恭天至也既如彼空三字蒼蒼
之意惟德口口口口口口口口瑞報况神速也口口此宜乎
擁鴻休口繁祉後空三字口口老口日之升垂萬葉之耿光爲百
王之稱首者也臣位冠台衡親逢旦暮承上公之乏相空三字盛
德之事與夫茂陵草遺忠之奏周南興畱滯之歎非可同年而
語矣矧又恭膺口口口口口獲當口述茲所以紹帝皇之墳素
表金石口篆刻嗣丕空三字天之大律口口世之鴻範者也寡韋
平之經術無燕許之才筆大懼晦昧不能發揮徒躑躅於燥吻

實備俛而塞空三詔賡歌舜德易繼於臯陶紀頌漢巡有媿於亭伯貽之來裔以闢口口其辭曰

增高益厚 王者上儀 制禮作樂 莫大於斯 應運接統
垂鴻逆釐 兹事體大 惟聖難之 岱宗炳靈 巍巖峻
峙 和鑾轡絕 牝瑄禮弛 缺其神懼 邇踰星紀 口聖
挺生 乘時斯起 惟宋肇興 受天口口 盡黜苛政 式
敘彝倫 以洗汚俗 乃弔匪民 革其不諱 被以至仁
威靈有赫 軌跡易遵 口民更始 其命惟新 實歷日隆
神武不測 厥口獻琛 水誓陸口 惠澤滂流 皇猷允
塞 陰騭下民 懇建口極 口被六幽 化行口口 累盛
重光 乾乾翼翼 展義省方 觀風耀德 懷伯靈臺 濟
民壽域 寶鼎增重 永揚大同 禎符荐錫 告厥成功

諭乎至理。迪彼元風。保邦清淨。錫祚口口。化洽口外。
道惟大中。百度以貞。六符斯正。傾輸羣心。稱述瑞
命。僉讓勒封。以期升侑。休烈日彰。神策天授。徇民
從欲。展案告成。屬車時邁。法從天行。濟濟鵠序。噦
噦鸞聲。星言汝上。雲會岱亭。穹崇絕巔。宓邇圓靈。
躬陟口封。聿申昭事。祖考來格。禮樂昭備。感以至誠。
享其精意。歛謁歸功。謙謙益口。嚴配克誠。蒸蒸不
匱。柔祇昭報。毖祀聿修。二儀訢合。百神懷柔。帝容
載穆。靈貺殊尤。肆觀輯瑞。端委凝旒。萬國以朝。四
夷接口。行口口仁兮敦洽。空三字蓼蕭之澤兮周溥。空三字茂遂
羣生。浸漬萬寓。口集丕圖。風還遂古。騰蔑飛英。超
三邁五。赫赫顯號。穰穰鴻禧。百祿是荷。萬壽無期。

遂及黎庶

永治淳熙

法昊穹兮剛健不息

踵黃軒兮

清淨無爲

空三

口口之錫

百世承之

大中祥符二年七月十五日立

翰林待詔朝散大夫國子

博士同正騎都尉臣裴瑀奉

勅書并篆額

右碑文及標題年月凡四十四行徑七分所紀禮節始末
多與宋史禮志合惟王旦傳不載太原郡開國公其天書
儀衛使傳作天書儀仗使爲不同也文中升講肆之堂肆
作肆案禮玉藻肆束及帶注云肆讀爲肆蓋二字形聲相
近故易致誤也縣志云碑陰尚有題名拓者遺之

封禪朝覲壇頌碑

大中祥符二年七月立行書篆額碑高一丈一尺廣四尺
三寸在泰安縣城南里許

大宋封禪朝覲壇頌額二行字徑三寸五分

大宋封禪朝覲壇頌

井序

封禪鹵簿使推忠協謀佐理功

臣金紫光祿大夫行尙書左丞知樞密院事修國史兼羣牧制

置使上柱國潁川郡開國公食邑二千三百戶食實封捌伯戶

臣陳堯叟奉

下闋

臣聞配侑尊嚴王者所以敦其孝也朝宗覲遇空三字聖人所以

空三字

明其禮也又若因名山而遂封煥先業而跡著踵七十二君

之遐武永萬八千歲之口口口輯五玉壇賓諸侯巍巍煌煌事

之大者非命夫通博之士口蓬口口口之學疣口口口重九

經之思又安可藻潤功德流播

徽懿臣顚蒙寡聞黔淺無

取稟

詔滌慮拜手而颺言曰

空三字

宋受

空五字

天命帝六合

子萬姓以空三字聖繼聖垂五十載稽神道而設教感民生之歸

厚

烈祖

空三

神考耀武振德罄口維而張宇盡坤倪而盡野夷暴

削壘點僭盜僞懷生胥口滋液

元化

上帝降鑒昌大洪

緒

崇文廣武儀天尊道寶應章感聖明仁孝皇帝之御天下也

三葉嗣統重离繙明恭敏口口口徇齊而允迪青宮主鬯承天

序而寅畏黃屋正位奉先志而夕惕若乃敦乎要道刑于

率士始則謹色養口口賢口口口口口口口之至口郊邱

者三竭精口口口獻朝

口口者一鬱悽感於霜露祀之大

也六御宸陛精較口口振滯淹於韋布馨逋潛於巖穴文教

之隆也再駕革輅觀省朔野貞師律以威亮口戎口口禮樂

武經之著口口口口口口口口車口口口實備達幽

仄欽恤之深也 體元功之藏用爲而勿有推赤心而與物坦然無間誠明之廣也 友于天族教乎教也 惠綏者年勉夫儉也 斷雕復朴必始于宮室 劝農禁口 率先乎稼穡昭夫儉也 黃口一 口 口 口 口 口 口 助編口口 室務得口而口謹乎授也 六職交又百揆時序猶復彷古無怠論學彌益迷覽乎九皇之道畢講乎三代之訓口厖黎獻勤恁方艱 焚烝之德旣格于神明生生之仁終達于廟宇太初遂布於景氣靈臺還偃於師節混一文口口口壇場口口口口易戰口措兵者也於是河海夷晏巖廊穆宣 融元覽口宅衷 操斗極而播憲口天常立民經清淨之鄉御乃六氣之辯富壽之域隆乎三登之祥四隩納誠五緯遵軌日星薦祉而訢合草木効靈而口見千品萬類乃綸口口口口冲口口口口口口口天意若曰振古絕德夐無

與讓軼世靈契允宜口荅錄是真不來儀空三寶命申錫并三

字

寶命申錫并三

篇淵默之訓 啓萬禩綿長之兆普天馨世靡不欣戴惟

蒼旻登口之祐乃

口口亟鴻之慶口馬之祥祇載其異雨

口口脫何口口口口口口自天之祕實獲御邦之組于是洙
泗諸生龜蒙口口發詠歎於庠塾口謳吟於衢路掎裳連襪波
屬鱗萃既而宰衡幃幄之輔熊羆羔雁之列迨于千夫長百夫
長黃冠緇衣台背兒齒相與不約而信不謀而同伏觀口口口
口口口口封口口口口

陛下系纂

聖統光闢丕業立隆以爲極執契而司會口斯

成口口口平矣口口和矣昆蟲草木罔不孚矣所宜鋪鴻藻而
熙帝載飛英蕤而振絕禮遵空三昊天之成命慰東魯之微

后觀風口口口之業展口口口俟之口允謂口德口口錫符奉

符以行事容容之請不爲進越空三字皇帝虔筆敦諭四讓不獲既而垂旒深念前席而言曰惟空五字我二聖付以大寶海內海外悉主悉治四口

錫羨之慶丕冒詒翼口教一變四口

何有焉又敢歎介四口告功四口揚耿光奉遺懿宣景錄

報嘉瑞斯事四口體乃朕之四口且夫無懷已降夷吾所記迨建武

之儀開元之制綿四口草具宜削其靡無煩民無穎四口神恭朕之

禮罔憚四口溥奉四口禋之容姑務豐大四口有四口錫厥職四口

是四口口四口口四口口四口口四口之說紬漢室優游之議順以

口制閱嘉言於既往修紹不典黜空文之無謂既厯古而肆習

乃折衷於四口睿聖輔臣先事而祇命崇嶽駢日而薦瑞醴泉

口湧神龍倏見靈芝三秀而絡野嘉穀合穎而充畝星弁四口拔

忽四口口四口口四口口四口寥沈之書再降既告空三字廟而成

禮戒吉卿雲先後而觸布遼鶴翩翩而旅集

空三字

貺益重坤珍愈出月孟冬日赤卯

空五字

皇帝乃闢宸居清康衢

儀金輿懿衡之御肅寢兒彌龍之制都人山立而辰

神檢先路眞士前道九葩之蓋蔽寥廓以徘徊十

極之音含正始而容與俄而常伯陪乘大丙弭節千官扈蹕而

星拱九龍効駕而飈舉萬騎雜沓洶洶兮海運九旂縞紛烈烈

兮雲布厯河沂榮口湛乎百丈戾嶽趾愛口口乎四轂猛士口

口口口元髦輕轉而彌隰周廬微道植鋏懸厭既口聞齋宮之

靖賓滌清衷於蠖漠雲罕儼路鉤陳樽壑奉

空三字

寶符而先置

儀宸仗而延屬大風示異當口石而遽止寒谷應感將裂膚

而俄燠倏忽之變陰陽不測

空三字

皇帝於是登高口陞天口口

玉輦步巖際俯曜靈於渤海觀衆山之培口口臺冠空而崛

翠旌周阿而捷獵辛亥吻爽卽事盤闕登

空五字太祖以配

空三字

天奉

空四字

太宗而侑饗大圓軒豁懸禹澄爽列宿照爛於浮景

盛禮登降於

音諧而大樂變

五

神降而元酒三獻蕭口口用權火高舉圭璧之序嚴紫霄而

容金石之文凝絳烟而無際秩衆靈而在下命羣官而分饗

物口盛實列萬國

錫年之祥乃過億世旣卽次而燎

復口而檢玉躬鑿口口口口口鴻明之報白雲起封

氣氣於膚寸神光口感實炳蔚而五色翌日迴明鑾

禪空三字

首禮遂畢於登降誠乃格于上下復本反始二儀之氣始和執

圭奉璋肆觀之禮攸舉且夫壇壝三成蓋大口小之制侯氏口

口口君勞臣口口口口口天掌舍設柱司儀舞等卓馬

禮始貶館而穆穆俄就旅而濟濟

空五子

皇帝乃登清壇

霧雲

負斧辰明章施臚句口口而交達琛賛述職而口平九儀櫛比
萬口磨至航海告傳圭之荷毛口慶千呂之瑞巍口口口口

隆口口口虎之口口口業鶴竿竚施籥歌以詠德佾舞而舞
事禮憲備成訖無遺者既而王公庶尹岳物羣長胥進而言曰
夫祚德者空三字天合苻者聖空三字陞口以大業鉅封對越空三
字

景命區域竦化人祇協慶禮物具八方之產祀口口千口口盛
口何山郭口口口獻海饌之充貢哉父天母地之孝子以

之備君臨子事之義於是乎盡洋洋乎蕩蕩乎民無得而稱焉
謹伏壇口上千萬壽帝曰異口口口籩靜嘉器之文也牲牷

肥腯祭之飭也非朕所以請空三字口口於下民之意也口朕口
旨無以異口又曰咨爾有方之衆明聽予誥先王克謹天戒

臣人克有常憲肆朕祇畏荷口

況施爾其慎厥終一乃心

弼予夙夜之治口口元元之命罔忽厥口口速于戾口口口口

九垓口口口口既禮止而樂闋遽雷作而雨解渙汗兮大口口

休兮茂典置翠聿空圓犴斯弛執熱者濯居窮者遂在逸者復處幽者貢員首方足悉已口口口動翹飛冈不容跂逸祥禽於

空濶遂珍獸於遐口集百靈而受職與口口而口始所謂口口

口口景福口口雨施不崇朝而徧天下者也觀之明日摭彝章

口先古太常陳詩而觀俗典禮同律而考度正班爵之上下閱

市器之良窳勵守屏以口口口教條而咸舉既而振空三字皇儀

而施軒訪儒宮而口口浸仁澤於遺口合凱口於下國歡口口

溢口口口載揚嘉氣鬱葱擁

寔與兮歸格策勳飲至需口

樂胥昭德垂休邈乎無極空三字皇帝於是敷睿藻紀雲闕

始則推

錫終則讓

空三字

祖宗之顯烈義盡增麗堯

文濬發

天經而昭布

空一字

表日而高揚至于

增微稱而益振煥乎
宸製鑄之貞珉信闕典而咸秩垂聖
範而

哉懷庭之道曠而復屬

空四字

盤維之基亘而弥

遠乎人和年登而神降吉倪寬之盛節亦

曰天下之壯觀

聖作物睹不其然乎太史臣曰

空三字

主口

有聖明而不宣布有司之過也臣虔奉

空三字

咫尺參侍

口揚厲竊謂萬一雖不足究宣

空三字

德光大隆業蓋

尊石口辭炳灼於無窮

空三字

謹爲頌曰

於穆口口受天明命烈祖造邦神口繼聖靈旗指麾

洪基保定神敎誕敷民德丕正明明我后集慶口

口 稽古立訓 惟儉是宜 肇方允迪 庶彙緝熙 天縱

至口 日用焉知 上口降鑒 口口口口 雙觴恭口 六

口口口 周伯口口 老人効靈 乾口坤珍 溢于祥經

上德不德 謙而益光 賚奉祖考 肅祇元黃 天迪口口

感歷洪長 眞不荐至 元符屢彰 濟濟多士 莳茲蒸

民 塵衢溢郭 口于紫宸 口啓伊口 口功至口 口口

伊何 口口口口 口口不獲 元口口口 口命有位 蔽

事岱宗 虞巡効駕 周邁宣風 八極四海 雲口口口

巖巖魯詹 高軼乾宇 既祓既登 以禋以旅 二聖克配

三辰口處 六變成口 口靈口口 蒼璧元酒 口口蒸

栗 脍饗禋燎 飄飈鍾律 翌日降口 口祇是出 允猶

翕河 百神咸秩 禪之明日 乃嚴壇壝 口口肆觀 口

以陳儀 桂極載列 簡篋攸施 儼爾珪組 翼乎熊羆

王公庶尹 再拜稽首 啓口口口 上千萬壽 口曰欽哉

口德斯懋 元首股肱 惟爾佐佑 豐澤遂敷

宥民赦

獄 淚汗涵濡 滋液滲漉 洗滌頤類 發揮亭毒 口及

天胎 固不生育 乃程律度 乃齊日時 升擢方穀 懲

艾不祇 凡百有口 以悅以口 大禮克舉 口口口口

口平哉 登靈封兮報 元功 神厚地兮薦 清衷 揭方

明兮車服以庸 草慶澤兮采綱遂空口 聖宋之光宅兮

與黃比崇宜乎金聲之玉振之萬斯年兮無窮

大中祥符二年七月十五日立 翰林侍 詔朝散大夫國

子博士同正騎口尉臣熙古奉空三字勅書并篆額

右碑及題銘年月凡三十八行字徑八分縣志云舞鶴臺

東爲封祀壇宋真宗所築封祀壇西爲朝覲壇宋真宗東
封羣臣朝覲地今改爲山川壇陳堯叟碑卽在壇側堯叟
官階與宋史本傳同獨未載封頴川郡開國公書碑者尹
熙古其官與書封祀壇碑裴瑀相同書法亦似出一手可
異也

禪社首壇頌碑

無年月并額俱正書碑高六尺六寸廣二尺七寸在泰安
縣高里山神祠內

大宋禪社首壇之頌

額四行字徑三寸二分

禪社首壇頌

并序

天書儀衛副使封禪禮儀經度制置等

使推忠協謀佐理功臣金紫光祿大夫禮部尚書知樞密院事
修國史上柱國太原郡開國公食邑三千五百戶食實封一千

四百戶臣王欽若奉

君灘御歲應鍾旅月

空三字

國家建號之四十九禩

勅撰

皇帝紹統之十有二載燔柴喬嶽成禮於勒封迴蹕方邱薦誠
於厚載人神交感祚祉來宜爰命下臣式揚嘉頌粵自聖明御
極寰宇大和民知教而措刑俗致禮而偃武熙熙庶彙如陟於
春臺惕惕宸心若臨于秋駕元德上達空三字乾文下垂方純報
以誕膺故至神而合贊見於乙夜同日星之揚輝告以先期若
寒暑之不忒履端之月成魄之辰晝漏初傳朝暾未耀仰蒼龍
之內闕覩黃素之奇文豈必元龜負圖而出洛何須赤雀銜書
以及豐空三字上沖厲內增寅恭外積克勤精意仰答空三字靈心
感應宜符祺祥不絕雲成五色表嘉瑞於太平星見离方薦殊
徵於萬壽由是索前王之令躅秩祀典之無文思大饗於季秋

用昭告於空三上帝杏爾之詔將戒於有司溪子之謠爰興於

空三字

東土鄒魯之士海岱之民竭乃一心若律呂之相召來於千里

如符契之不愆述盛禮於元封獻露章於魏闕以爲有唐之季

天步艱難朱梁已還寓縣離析蒸黎塗炭兵甲日尋薦紳無仁

義之談鉄鉞肆虐劉之患

空三字

上天悔禍肇啓於昌期百姓與

能勃興於空三明主

空三字

太祖啓運立極英武聖文神德元功大孝皇帝炎靈應統緣錯
膺圖奉唐侯之固辭避陽城而罔獲克安九服成不障之功祇
事百靈受無疆之福

太宗至仁應道神功聖德文武大明廣孝皇帝大明經世至德
在人文告以懷柔武威而震聟憲章號令俯洽於殊方文物聲
明仰踰於往古

崇文廣武儀天尊道寶應章感聖明仁孝皇帝稟粹二儀鍾靈
五運紹成基於累盛荷景睨於重熙通於神明錫類之孝格于
上下廣覆之仁若乃弋繚爲裘青囊爲帳恭儉之至也泣口于
市扇暘于塗慈惠之隆也仄席掄才反支受訟聽政之勤也齋
居議刑弛懸決獄慎罰之深也至若恭默思道勵翼求賢振恤
憚疾諮詢謙直眷徽五典昭明白官禮無大而不揚情無小而不
達道彌高而思彌下業愈盛而志愈微故得鳥獸可窺水火
不奪萬民以治五教在寬空三字天降之祥物安其所所謂集元黃
之景祐攬步驟之上儀者也夫登岱宗禪梁甫對越天地嚴配
祖宗搽玉以禮神刻石而紀號千八百后其道皆同七十六君
其蹟可視矧夫盛德大業巍乎若斯天瑞人謀昭緒如彼誠宜
答三靈之祐順九域之心考時日於歷官詢制度於宗伯肆觀

羣后懷柔百神蒼璧以祀天黝犧以祭地發惟新之大號受不

空三

上於

已之厖褫豈獨一方區區之誠實亦六合容容之望

空三

於

是臨法坐而延見命謁者而喻言嘉其將順之心示以惕厲之意以爲禎祥申錫但荷於洪休封禱告成難居於盛美故當徐

議無復過談莫不瞻珠旒伏文石期於得請然後口口克讓之

詔雖行敦執之言益固於是鈞衡之元輔帷幄之碩儒三臺之

具臣五營之列校郡國之上計庠序之橫經班白縑黃之儕推

譽文身之衆相與集闇闔趨鉤陳述庶民後之談敘歷代不

刊之訓且曰天高地下大禮生其中君令臣行百度遵其治罔

蹈道而無福罔失政而無口道莫大於奉明神政莫隆於興茂

典故遂古而下方冊所標未有長發真源永孚休命歷數在己

美利及人而不宗祀

空三

吳寧昭配祖祿奉符東岱展采仙闕

者也而况巡狩之文毛舉於虞典登封之義彙括於周詩六經著其謐言百王以爲盛則衰世思之而罔克治世避之而不能
□□武隋文其讓也正世祖元宗其修也宜陛下高邁羲農俯視
舜禹空三字天鑒厥德赤伏之符旣膺后來其蘇東人之念方積
觀民展義今也其時錯事增高辭之豈獲雖復輿情可却宸慮
難迴其如空三字三神之景命何空三字三聖之盛烈何優詔不許
者四封章固請者五於是答空三字元穹之顧諟徇黔首之勤求
俯而從之蓋不獲已乃頒明命戒有司曰自天之休旣鍾于空三
字列聖累洽之慶復屬于冲人若乃登名山朝萬國雖盛德之
事其何以當而率土之情復無以拒蓋將申於大報敢云告厥
成功咨爾有位之臣暨于藏役之者犧牲玉帛禮於神則極口
口口幣旅常奉於吾則從其儉委輶近之佐以先置密授其成

謀聚文儒之士以撰儀洞稽乎舊制其令也至當故下無以干
其工也不繁故衆思自勵德音一發民望如春誠感上通神心
若契至乎聖賢之祖述禮樂之公羹或有舊史失傳精義莫續
羣臣極慮靡究其端空三字旨發口口盡其理凡所刊正二十
餘條於是奉常遵爲彝訓又若秘牒有一信冊有六燔禋俯口
追琢難成將以貞珉代乎溫玉雖復有司固請俞詔勉從在乎
宸心惕然罔措果於內府訪得其真蓋往日之所營僅朞月而
乃就取之琢刻用於神祇克集厥功靡愆于素足以見空三字先
聖有開口口空三字吾君善繼之孝也且夫空三字天之臨也不忒
天之鑒也至明聽之口聲吉凶見乎象敬而降命善惡基
乎人盛德之興巍巍乎其莫述鴻休之至紛紛乎其無窮當夫
揆日有期鳩工在始地不愛寶吐素液以流廿龍飛在天騰卿

雲而絢彩神葩焜耀挺秀而朝敷瑞氣口口揚輝而晨映耽目
鷁獸匿蹟空山聲手毒蟲潛形蟄戶在井之鮒粲百鍊以成鱗
繞樹之禽凝六出而挺質沃日漲海旣過其驚波航葦巨河復
遵其故道九穗兩岐之秀四犧一角之奇或駢實而共枝或先
秋而告稔班虎袤丈之蘭靈雲共蒂之爪元鶴羣臻聽笙鏞而
自若慈烏獨口口畚鍤而有常瀼瀼沉瀼以如俗趨趨明視而
呈素中天之月露煥發之重輪曲沼之泉澄相鮮之麗色一封
使者告慶交馳六藝書生頌美載路蓋已無得而踰也矧又甚
於斯焉昔者五老告期但聞一至兩騎受職豈復重來未有眷
佑彌昭殊休再降巍然岱嶽密邇茲泉頌空三字之文述空三字
蒼元之意於是備時乘之駕迎空三字寶命之符是月大雨霑
澀密雲葱鬱潤甫田而雖治治馳道以方勤及乎瑞謀爰來乘

輿將出則煩陰並散杲曜徐昇紫氣覆於離宮白雲映乎廣殿
時億之福豈易測乎於萬斯年必可保也瞻言南域舊產靈茅
方志雖存郡人罕識及夫詔書採擷耆老營求絕世之珍故繁
殖而久廢不貢之責方寤寐以爲憂遞生三脊之奇用資五天
之籍夷吾與記斯實同符開元舊文諒多愧色既而協良曰薦
虔誠寅奉空三字靈文祇見空三字祖廟謝會昌之純錫告配侑之
崇名于時人集八方塵飛九陌齊明之夕澍雨以清皇衢裸鬯
之辰喬雲以覆世室非煙燭野瑞日流空肅肅金闕襲星罕而
徐轉翩翩玉羽扈河口而羣嬉空三字二后在天降鑒於至治百
世觀德協慶於無垠猶謂斯禮不行其來已久雖感蒐於闕典
慮未盡於至誠乃復屈黃屋之崇高習泰壇之薦享恭畏之色
罔異於奉祠闕疑之文並從於折衷官師聳勵神鑒益歆既而

令旦戒辰鳴鑾遵路百工承式七萃啟行八校止齊聞蕭蕭之
鳴馬九旂時動見習習之祥風鼓吹不喧率由舊則金石咸寢
肇自空三字聖謀至若念封禮之方陳矜嚴是務慮有司之弗給
簡易爲先乃損屬車別名鑾駕虛大輅以安空三字祕籙見奉空三字
天之誠御步輦以出國都形愛民之志連臺感抃接壤歡謠
四望則衣袂成帷中塗口壺漿若市豈資諫諍已罷乎從駁何
待討論勤歸乎至蹟葦茹咸却誠玉食以齋心草木不傷法蒲
車而育物若乃次舍所設菲薄攸安棟宇之基未嘗改作閨闥
之勢罔或增新唯元幕以環周或下口而躬處頌祇之庭在邇
接神之冊儲靈屬夜漏之未央視榮光之效見瑞踰沈璧祥協
口口至乃命庶官走羣望專印后土別祀九宮禮瀕海之諸神
鑿射牛之列帝所謂閼皇猷於鑿宇昭上德於億年者也暨夫

屆廣魯臨岱宗庶民奉迎罔不率舞東后來觀靡有後其八表
之民駿奔競至未名之寶櫛比咸臻壇壝以陳簠簋以具申誠
於百執必信而必誠昭感乎萬靈有嚴而有翼越以孟冬之月
庚戌之朝望秦之高峯昧爽而陟比黃之大典次日而修其或
俯層崖履危磴慮人之勞也乃降辇焉及乎欵雲封望齋室想
神之在也亦躡步焉徒御繼登罔逢乎驟雨羽衛成列俄息乎
終風乎視太虛下觀旭景靜將地接動與天偕澄宸慮以杳冥
望法象而髡髡於是被元袞搢大圭神六變而來思色三獻而
彌厲脩以空三宗祖換乎天經空三丹書載陳表儲休於空三
上帝玉牒不祕示無私於下民而又饗彼羣神于茲山下準圓
丘之式伸徧祀之心謹晷度以合時望煙燎而交影衣冠在列
笙磬同音是夕也天門之嶺士虞載渴甘醴忽湧無源自登侁

僕奉宸飲之而不竭日觀之上人莫能升明神斯臨有儀可象
濟濟在列觀之而相目此又感召之章灼休嘉之殊尤也翌日
禮空三皇祇禪社首方澤之形泰折廣樂之音八成象其色則
黃牲昭乎絜則元酒岳鎮海瀆靡不格思墳衍郵畧罔不咸在
眷乃空三坤元之德配乎柔克之尊生植羣倫包函方夏廣大
博厚所以養材流謙居貞於焉載物伸茲大報在乎至虔肅若
奠獻之儀祇率空三穹昊之制勤恭勵翼盛典由是無違雜遷
紛綸柔靈以之薦祉清蹕將至倏振鶩廳冕服纔升俄爲霽景
權火之影邈在雲霄登歌之聲散於坰野唯誠明而是竭忘陟
降之爲勞於是昭仁心從物性楚夏所貢羽毛之衆莫不出於
苑囿放之郊原次復詔秩宗修勤禮三帛二牲執賚以見右賢
左戚辨等而居元冠蒼佩者充庭魚甲貝胄者列侍空三寔顏

穆若安可望其清輝能事巍乎徒得觀於洪烈既而布大令均
渥恩禮高年修墜典幽蟄咸振密網並蠲需慶賜而春行覃微
鑠而日麗采詩察俗遠協於夏書納賈觀民式遵於王制興廉
舉孝崇德報功錄寡惄獨之流罔不咸恤律度量衡之法由是
得中復除之恩淡於四極酺酺之惠際於九閏當其御郡樓宴
鄉老有在沼之介族附游童之衣裾色奪金英狀微榆莢壽蓋
踰於千載祥實冠於四靈昔者聞韶而鳳來拊石而獸舞言其
善應豈復殊塗罷萊蕪之鐵官貢廻陰之曠土襯負相屬苗畬
盡開至於邈想古賢緬懷神道增文憲昭烈之稱謂仲仁聖炳
靈之封崇以爲列上清而監觀者真仙故加保生廣生之號育
良材而利用者疊嶂故修靈巖廣禪之祠惠治於人雖小不捨
新玉女之像是也福流於物雖大必營創會真之宮是也猶且

柱星旌降玉軒幸闕里祀孔堂琬炎之刊載揚芬德璽緩之薦用益徵名祓飾廟庭增修禮器出幣帛以賜宗黨頒經史以聚學徒下自諸生成膺其進爵上暨先正肇荷其追封好賢之心周於百世尊儒之道形於萬方豈止序門人以陪祠蠲齊此而給役也昔天寶以治平在運崇五廟之洪名大中以恢復成功加二宗之尊謚而

皇上孝思不匱至德潛符展禮空三字太宮歸尊偉號始以寶冊親授三公拜手而遣肅祇之至也復以蕭薌躬謝空三字六室涕淚而進追慕之積也足以薦空三字乾坤之祐增空三字宗祐之美慰空三字昊天罔極之感伸明發不寐之懷旣而王公協辭夷夏俯受懿夫法乾剛而覆下是謂儀天用元默以居中故爲尊道同志遵順美之前訓增可久之徽稱始固守而不從旋曲成而

叶吉而圖書開奧寶應攸昭上封而河嶽效祥章感斯著典禮

備舉簡冊載光軒曰徇齊彼何尚也湯云甚武茲豈遠而猶復

紀空三字

錫符之辰建覃慶之節郡國清醮以答於明威士庶縱

遊用樂乎神運生成則禁乎屠宰隱惻則止乎刑辟古今之盛

節殫矣皇王之休聲備矣臣學乎舊史偶乎昌辰敢商榷於前

修旃揄揚於景鑠竊再拜而言曰在昔帝堯其臣有五夏與於

禹商始於禹宗周建邦本於后稷有唐命氏肇于庭堅而伯益

既典朕虞亦佐禹績秦德不競天祿未窮故我空三字聖朝集茲

大統宜乎比隆於三代垂裕於萬齡者焉洪惟

陛下纂承寶圖建用皇極含道德之甘實具慈儉之馨香煦然

發榮可得而述昔者河流載湛里社方鳴列緯集於降壘三統

在乎鼎闕暨夫再歲果誕空三字真人蓋奎爲魯分之星乃司文

子

物泰實兗州之鎮爰主發生豈非運屬空四文明化符生育法

字

四

文明化符生育法

從臨於洙泗祀典修於云亭之應乎此蓋受命之殊貺也御辨之初維藩之域綠龜薦瑞元輔矢謨以爲至柔者毛至剛者介今則以至柔之物附至剛之姿天何言哉民胥效矣必將武事休偃文德懷柔是時也戈甲方馳封疆尚聳旣而玉帛纏好書軌大同罷尉候之官成鍵橐之治此又嗣統之丕祥也夫感人心而致和平莫先於孝興王道而致雅頌無尚於仁背者主器震方辭宮臣之常禮則成帝之避馳道也宅憂倚廬終三年之通制則高宗之在諒闇也案元辰之歷行哭而朝陵則顯宗之伸永慕也覽後庭之籍動容而出涕則文皇之召至和也寬一成附重之刑制三流惟輕之典則高帝之約法也升北辰魄寶之座則先蠶壽星之祭則孝文之重祀也修前代之闕寢訪功

臣之子孫則武王下車之事也絕番禺之藥矢毀尚方之獵具
成湯祝網之心也再駕戎輶則周宣之治兵也三郊吉土則虞
舜之肆類也順時令閱車徒因三時之閑習五申之法神武之
用也臨便座幸上庠較藝以掄材談經以興學時文之化也蓬
閣翬飛牙籤雲蠹寶南風之聖作聚東壁之羣書聿修之美也
親視奠虛躬聽笙竽新甲令以募工師製升歌以詠詒訓述作
之大也絕域之民畱滯未返測然軫慮豐給而遺仁及於懷土
也司貨之吏掊克爲能渙乎出令寬政爲先道濟於溥天也紀
祥符之寶歷元狩之故事也新儀衛之庶僚太微之彝制也明
照於前古覩其失而不揚德之盛也辭高於往代有其善而不
伐謙之至也孝德著矣仁聲洽矣積是純懿發爲茂功則巨禮
之行殊頑之應由空三天意也非人力也矧復兩漢而來建都

於雍五嶽之地皆在於東居異於辨方方理且殊於師古今空
字國家宅梁宋之域當空三穹壤之中禮得其宜事歸於正故
可以仰遵五典高繼九皇抑又贏秦上登僅至中路空三天有
所不佑也漢武祕祝不示羣臣道有所未廣也光武欲其速成
將竄封於玉檢力有所未豐也高宗顯茲巨典接神以椒房禮
有所不肅也元宗建議在初輔臣殊志出爵伊始庶尹興言人
有所未允也若乃篤空三天祐迓神釐遠邇協心上下交泰唯
精唯一盡善盡美未若今日之備也又不以成而自大治定而
自矜炳空三乾文號神獄仰懷空三天脫不敢以怠遑俯述世
功用歸乎德美此實厯代之所未有

上聖之所獨臻也下臣不佞恭獻頌云

惟空三天祐空三聖惟空三聖奉空三天寶命隆兮惟空三辟
惟字天祐字聖惟字聖奉字天寶命隆兮惟字辟

西卽位至大中祥符元年戊申實十二歲上距太祖建隆
元年庚申蓋四十九歲矣又云履端之月成魄之辰仰蒼
龍之內闕覩黃素之奇文謂是年正月三日天書降左承
天門也又云巍然岱嶽密爾茲泉頒綠字之文述蒼元之
意謂六月乙未天書再降于泰山醴泉北也又云升北辰
魄寶之座創先蠶壽星之祭案本傳欽若嘗請置先蠶并
壽星祠升天皇北極帝坐于郊壇第一龕故述其事于碑
刻也元又案此碑別無年月惟涪灘御歲應鐘旅月二語
爲大中祥符元年舉行封禪之期而立碑要與三壇同時
故竝列焉

六觀殿碑

大中祥符二年十一月立行書篆額高一丈二寸廣四尺

五寸在泰安縣岱廟

大宋天貺殿碑

額二行字徑四寸五分

大宋天貺殿碑銘

并序

翰林學士中大夫行尚書兵部員

外郎知

制誥同修

國史判史館事柱國南陽郡開國侯食

邑一千一百戶賜紫金魚袋口

楊億奉

空四字

勅撰

翰林侍

詔朝奉大夫國子博士同正口都尉臣

尹熙古奉

空四字

并篆額

臣聞元天之覆物也陰鶻而無私

上帝之臨下也高

明而有赫倬昭回而成體其聽孔卑杳寂寥以希聲厥應如響故周書紀其輔德義易載其益謙百祿咸宜予以隆其永命庶徵時若予以降乎嘉生斯皆自我民而聰明表其道之貞觀者也至乃乘陽而健垂象於日星得一以清成章於雲漢東壁列

位主圖書之秘文魄寶淪精握河洛之命紀蓋乾之組至賢矣
天之文有爛矣眇覲太古鋪觀往譏三五之世德化醇茂故伏
羲受龍圖以作八卦軒轅得龜篆以朝萬靈放動獲玉泥青繩
之文帝舜膺赤文綠錯之瑞夏商以降續用昭明故大禹夢蒼
水之符口乙拜元玉之字西伯之赤雀止戶武王之白魚八舟
皆盛烈通於神祇茂勳格於穹厚錄是口物口口以効質珍圖
炳煥以告休宣純禧而奮景炎形寶訓而示靈眷斯固殊尤絕
迹曠千載而罕逢卓異倜儻爲百祥之稱首不然者又何以運
契於中和之極兆發乎至治之期雜口口口寂寥而無紀合符
之盛啓迪而必先者哉

崇文廣武儀天尊道寶應章感聖明仁孝皇帝陛下之御天下
十有二載也纂空八二聖之丕基肇八紘之鴻緒中口處

邦協和玉燭陽明珠躡軌道頌聲載路口氣橫流百工惟時五
兵不試仁風行於無外 洪化馳而若神品物茂遂而由儀羣
黎富庶而知教徽繹之形幾指弦誦之聲相聞人自謂於羲皇
家悉爲於鄒魯行葦勿踐忠厚之性成天網弥疎寬大之德著
淳源載復治具畢張

皇上方端居穆清之中獨運陶甄之表執粹精而思道宅清明
而在躬極深研幾淵默雷震揚蕤綯景輝光日新固已 濬哲
之懿升聞悟怛之愛敦洽 金玉共度追琢而惟精雲日之表
就望而無極當其愛景長至陰魄下弦斗城靚深虎闕宵森
建章萬戶管籥之有嚴衛口口屯誰何而載肅銀漢左界玉繩
西傾挈壺之漏屢移 膝席之對云罷方將 凝神於蠖濩寧
體於清閒靜慮合於希微 嘉應通於盼蟹俯及乙夜聞乎嚴

局煥發靈光燦若白晝乃有真口降於霄極臘語示乎休徵
將求衣而走對忽乘飈而滅迹空五字天子於是申以齋戒致其

精明爰乃獻歲發春之初祇受

空五字大中祥符之錫九賓宿設

親拜於廣庭八神前驅奉申於黃道寘之恭館藏於東序乃復

肆眚於縣寓易號於初元惠賚浹於五管爵秩加于羣后均

合飲之澤以尙齒推給復之典以貴農

皇明誕敷純嘏均

被繇是徇東人之勤請考乾封之舊章將以

陟介邱禪祉首

奉符而行事刻號以告成揚空五

二聖之休光爲天下之壯觀

列城除口口司講儀龜策告猶雲氣呈瑞口象物之咸口

溪

口后以來蘇三神眷懷萬邦和會而靈心昭答

元應沓臻

以爲庶人靡常猶畢星之好雨羣小多辟或夏蟲之疑冰雖况

施之殊倫口口之成口口猶復口甲而申告口微子清衷方

將應期而紹至以彰乎絕瑞惟元年仲夏既望之後夕

上復夢神人諭以諄諄之意期以來月錫符於泰山於是潛

發德音申飭執事有依類託寓之異口疾置飛馳以聞粵口

鍾紀口金渾叶度肇自初吉以及生明惟茲巖巖之峯荐發穰

穰之瑞祥光夜燭成十輝之姿卿靄朝躋結九葩之狀是月之

六日也粵有梓匠晨詣靈液亭給斤斸之役草露口渥人迹罕

至忽得黃素於灌莽之上其文有空三字

皇帝崇孝育民壽

歷遐歲之言周章震駭魂定飛越亟以白引進使曹利用宣政

使李神福卽共捧持以詣封禪經度制置使臣欽若臣安仁繼

膝載嚴騎置來獻空五字皇上周旋欽翼夙夜齋明醞粹內充典

章兼舉命廊廟之元宰暨左右之信臣分授使前奉導靈

駟駒傳云至詔蹕出迎羽衛星陳官師景從弁冕端委親拜受

于苑中 元圖祕文復編示于羣下先是陰雲待族大雨灌枝
需泥治道之是鄭宮服廢禮之爲懼是日也懸寓澄霽佳氣鬱
葱口口之取上躋光華在旦薈叢之姿迭媚紛郁垂文五弦之
風載薰九光之霞成綺口口胥悅戢穀來同矧乃綿口口儀素
已草具 翠葆之駕乃先啓行旣備物以吉蠲俾有司而翊衛
載以威輅入于 應門星旄先驅金奏並作

天子方復弭鸞旗而稅龍馭撫瑄案而坐坤宮穆穆皇皇以俟
夫 元符之至也口而步自闢闔率先羣司納之殊庭是爲

祕寶且復討論前載追求遺範輝景下燭秦旣作時珍瑞云
獲漢亦起宮其後因軌迹而增崇建名稱而不朽者非可以悉
數也乃 詔魯郡申飭攸司爰就 靈區茂建清宇授規於哲
匠董役以廷臣模斂前施暨塗咸備法大壯而取象曾不日以

克成直寒門口之庭鎮阿闕神房之麓雲封崛起迴對於軒
木口口列清載環於階城石若天脫表以口名既而慎擇靈
辰揭之題榜乃有元鶴集于雕甍清唳口之墜羽而去斯又九
臯之仙質千歲之純精挺胎化之姿告壽昌之兆者也及
親封泥檢載揚槱燎降口陰道禪于方邱會朝明堂肆覲東
后口澤及于四海神化馳于六幽天子乃撫節盤桓
憑軾游豫周爰博覽以屆于茲瞻堂構以改容臨清流而發
歎金爐朱口口潛德以升聞羽蓋清塵彰健行之不息旋軫
飲至天成地平口時計功金相玉振且以爲古之哲后褒紀瑞
命方牘所述踵武可徵至若甘露黃龍標於年厯芝房朱雁播
於樂章或作繪以彰施或緝經以論著皆所以昭答報降垂示
方來爰詔下臣頌茲微烈恭惟空五紫書祕謀荐錫于

玉晨福應之大者也 靈官真宇列峙于洞野 制作之盛

者也非有遷雄之博物通達崔蔡之發_空_四清麗鄒枚之口辨曹王之氣質又曷能敷陳

空字

景鑠述宣鴻明著之金口口刻流

乎億萬之祀如臣膚淺豈能演暢拜

命之下口口惟勤頌

歎游揚雖豁於素蘊博約溫潤寧企於前修伏紙怔口口口口

口銘曰

太始權輿 窪古之初 結繩而治 斯文闕如 三五迭興

受命合祛 河洛開奧 乃出圖書 岐周發祥 凤止高

岡 火流於屋 魚口於航 靈眷諱諱 赤文煌煌 金策

之賜 剪口啓疆 卯刀口言 口口口口 祕圖元契 曠

絕靡常 惟皇建極 與天合德 有開必先 神休叵測

清夜戒期 聖容斯覲 旭日朝躋 真符云獲 節彼崇巒

天帝之孫 刺經定議 發社閭口 泉流竑涌 和景晏

溫 口元申錫 明靈有赫 雲篆騰晶 冰紈襞積 疏類

饗客 奇應山沓 樵蒸禮成 蓬蕭慶洽 密宇聳飛 揭

榜雕楣 建茲顯號 式昭鴻禧 口口口口 翠帽揚口

福應之盛 煙光在茲 魯邦奕奕 秦觀巍巍 封雲薈蔚

浪井漣漪 聞然宏構 永鎮方祇 大中祥符二年十一

月十七日

右碑文三十二行字徑九分案大中祥符元年六月天書復降於泰山醴泉北乃迎置含芳園十月辛卯帝發京師以玉輶載天書先道凡十七日至泰山遂舉封禪之禮此碑專紀其事文極工麗書碑者尹熙古大中祥符六年天齊仁聖帝碑亦熙古書惟彼碑系銜進階朝散大夫守司

農少卿上騎都尉與此碑朝奉大夫國子博士騎都尉不
同也碑立于大中祥符二年十一月蓋在封禪禮成天祝
殿竣工之後矣

東嶽天齊仁聖帝碑銘

大中祥符六年六月立正書篆額碑高一丈七尺四寸廣
六尺五寸五分在泰安縣岱廟延禧殿門內

大宋東嶽天齊仁聖帝碑

額二行字徑四寸五分

大宋東嶽天齊仁聖帝碑銘

并序

翰林學士中散大夫守

尚書工部侍郎知

制誥同修

國史判昭文館事謹奉南安

郡開國侯食邑一千五百戶食實封貳伯戶賜紫金魚袋臣晁

迥奉

空三字

勅撰

翰林待

詔朝散大夫守司農少卿同口

口騎都尉賜紫金魚袋臣尹熙古奉

空三字

勅書并篆額

臣聞結粹爲山麗無疆之厚載升名曰嶽表莫服之崇邱至若根一氣以混成嫋四時而首出作鎮東夏實惟岱宗辨乎五方設位冠配天之大畫爲八卦建標當出震之區邃深運空洞之宮翕習號神霄之府夫其魁甲艮象柷制坤軸噫噭磅礴穹崇峩峩天門路界於鬱蒼日觀勢臨於杲曜列仙遯迹存棲真之石間永命儲休闕與齡之金匱滋殖百卉函育庶類畜泄雷雨吐納風雲封之所以合元符登之所以小天下近綴梁社遠聯秦吳控壓海沂襟帶洙泗鄒人所仰魯邦是詹肇生物之化權蓋頤貞之壽域也古先哲后誕膺駿命披皇圖稽帝文告成功申大報昭姓考瑞封石紀號自無懷氏迄唐明皇登封展采布在方策者固不于茲矣開元十三年始封空五字神曰天齊王禮秩加口公一等縣歷五代寂寥無聞爰暨空五皇朝勃興嘉運

卷之三
叶百姓與能之望應

空三字

興人革命之秋

太祖皇帝摠肇英雄鞭撻宇宙勤勞四征削平多壘方混一於
寰中

太宗皇帝纂隆洪緒懋建皇極斟酌道德統和天人乃緩懷於
海外然而艱難創業組蕡詒謀勒崇^口將底績而未暇開先
遺大知奕世而有歸粵惟

崇^口廣^口感天尊道應真佑德欽明上聖仁孝皇帝陛下承鼎
定之基格孟安之世顯仁以育物廣孝以奉^{空五字}先宣治重熙
財成庶政弭息戎旅撫柔要荒乘國步之密清宅天衷於醇粹
因之以豐楙加之以阜康席^口宗廟之重游心帝王之術長譽
遠御大道^口夷天衢於是乎嘉亨^{空三字}德教於是乎漸被載日
戴斗聿遵朝聘之期太平太蒙盡入車書之域^{空三字}垂衣在上

繫壤在下得以疇咨俊茂博口幽隱講求典禮包舉萩文接千歲口統可炳儀於封祀口萬物之盛宜昭告於神明然猶務謙尊而益光體健行而不息冲晦藏用淵默思道俄而

天口震口

上帝顧懷空二真口淳臻靈心有燁總集口命

覺悟烝黎踰金簡玉字之文等河圖洛書之寶承是

祕檢

發爲蕃釐霈澤開榮普天受賜新建元之號易通邑之名茂昭
降祥聳動羣聽是時東土耆老湊闕庭以上書南司宰輔率官
師以口表願循考古之道煥發升中之儀弗獲固辭乃徇勤請
且以增空三覆載之高厚揚空三祖宗之純懿也儲峙供億恣

出於縣官經啓營繕不煩於民力大中祥符元年冬十月具儀

制嚴仗衛陳口御口介郵齋心服口奉符行口羣司奔走百禮

脩明集嶢巖之嶺凌顥英之氣壇壝清肅牲器純備玉幣式敘

樽彝在列奠獻克謹歛釋用張口嫁交三神之歡陟配崇
口聖之位舉權火升高煙示瑤廣口環口口口而特起口首
口口抑又次焉咸口口口口口口朝會敷宥涵濡盪滌采輿
誦求民瘼旌前烈衍徽章叅用王制著明皇績大猷克集神實
幽贊故口口及末見象日昭史氏之筆殆不停綴則有口烟紛
郁太陽口口仙芝口根菌蘚以口秀醴泉無源崧涌而善利靈
輝休氣嘉穀奇木鱗介之宗長翔游之品類表異駢出曠代絕
倫豈非受職修貢發祥介福之徵乎人謂是山也崇冠羣口口
俾造化斯不誣口口家稽虞書四巡之首原漢氏五祠之重述
宣邢典申嚴祭法奉正直聰明之德馨精虔嘉栗之誠爲民祈
穀與國均慶封禱之後復增懿號曰

仁聖天齊王蓋以形容靈造舉褒崇之禮也名稱之義口矣哉

化功生物之謂仁口神妙用之謂聖登隆顯赫亦云至矣復思嚴節廟貌彰灼威靈責大匠之職議惟新之制於是命使屬役協辰備功凡卒徒給材用興雲鉛運口口程土物以致期分國口口口口規畫盡妙樂勸忘勞口年而不口不口于素棟宇加宏麗之狀像設貢端莊之容凡所對越肅恭逾至四年春舉汾陰空三后土之祀成天地合答之禮憲章明備上下交感空四純字謾既錫大賚施及圓首方足式歌且舞猗歟口口口動焜煌口口而皆擬空三聖明之口作從英茂以飛騰灼敍慶靈奉揚殊睨紀諸盛節悉以命篇布日星之華配雲雨之潤並刊鳳藻散跨龜趺播洋溢之頌聲垂極蟠之能事而志求象因順拜崆峒口衆妙之口廣列真之宇非止卜永年于郊廟是將納雅俗于華胥者也又以口口口佐本乎天泰寧五鎮本乎地其位參兩

鴻名可齊特尊列嶽咸加帝號由是奉升泰山之神曰空三宇御製奉神述詔中書召侍口之臣論以制作之本意觀夫

聖文之梗槩以爲嶽鎮之大輔于柔祇動口口所蕃息泉源之所滋液至靈允宅陰陽攸司鍾岱穀而有徵繫黎元之是賴舊史具載前王式瞻著冊封之典嚴祠祀之禮增奉邑之教申樵蘇之禁皆以口不測之明威顯無方之妙口口方今兵口口戢華夷會口口獲順口口無疵厲率由不應冥助永圖固當稽彼前聞進其尊稱謂乎唐虞曰帝商周曰王夫商周之王爵人臣而有素唐虞之帝奉神道而何疑况其容衛等威冠冕制度極徽數以宿備宜名體以相符口口成之禮無違者願口景

祐普及舍生至乎哉鼓動空三廟辭無私廣大坦然明白之理
沛然利澤之德曲成司牧俾臻富壽有以見

空字

空五

聖人之情矣遂口勒石徧立于五嶽廟庭從近臣口口口口歲
冬並命使介分口諸嶽定吉日飭有司空五皇帝被法服御朝
元殿禮行樂作而臨遣之持節受冊袞冕相繼次敎而出觀者
如堵且數文物聲明之盛未嘗有也使者奉詔訖事率叶素期
於穆宏觀負超千古矣越明年詔五臣撰辭各建碑于嶽廟
而臣浸漬空五皇澤涵泳清微偶集鳬雁之行遂塵龍鳳之署
預承

綸旨強叩蕪音曷勝脊獎上以慶幸宜明盛禮叨奉冊於秦城
潤色貞珉玷彌文於魯嶽荷輝榮之稠疊愧才學之空虛燥吻
濡毫謹爲銘曰

節彼泰山 蜀亘大東 口口口口 五嶽推雄 勢并鬼釋

秀出龜蒙 嶠起海表 目爲天中 高摩霄極 俯瞰賜

谷 神策斯秘 昌圖可卜 物性鍾仁 民居獲福 魯邦

是常 盛德在木 百靈淵府 三宮洞天 口口口口 芝

童列仙 白口口駕 口龍命篇 宅其勝境 幾乎大年

獄長曰宗 歲交日岱 仰止巒巖 奠茲持載 壽域旣優

神聰有賚 禱祀誕隆 寅威如在 千載興運 八紘開

基 武功盈定 文教緝熙 封禪繹典 祖宗制宜 遂夫

聖嗣 方畢宏規 惟帝舉符 惟神佑德 成績其凝 皇

猷允塞 嘉應沓臻 鴻禎靡測 芊蕡豐衍 元元滋息

於赫靈廟 挫帶名區 有詔改作 傀授全模 楊心董役

豐資庶徒 技殞功倍 雷動星敷 大廈成新 翳巍

觀　碑審靚深　崕礬輪奐　肅穆威容　絜清几案　欽修
允宜　躬饗攸贊　功懋天作　澤從雲游　式諾民望　詔
報神休　殊號斯荐　口口匪儻　庶安億兆　豈止懷柔
天帝之孫　復升以帝　出乎震宮　臨乎日際　事固莫京
理亦潛契　樹此翠碑　騰芳百世　大中祥符六年歲次
癸丑六月辛酉朔十四日甲戌建　中書省玉冊官　御書院
祇候潘進并謝望之刻

右碑文及題銜年月凡三十五行字徑一寸四分撰文者
爲晁迥案宋史本傳敘迥歷官甚詳獨未及判昭文館事
又奉勅撰文及碑所云宣明盛禮奉撫秦城傳亦失載皆
可補其闕也

太極觀題字二種

大中祥符八年三月立正書在曲阜縣太極觀

右刻一題金天玉紐四字左欵汝南吳同春題關西武成
刻二行一題奉勅同監修兗州仙源縣景靈宮太極觀于
大中祥符八年三月一日奉安聖祖天尊大帝玉石聖像
內侍省內侍殿頭楊懷德凡六行縣志云景靈宮事惟見
元人重修碑文載曲阜縣城之東北曰壽邱者相傳爲軒
轅黃帝所生之地卽寰宇記所謂窮桑者也宋既有國推
本世系遂祖軒轅大中祥符五年閏十月詔曲阜縣更名
曰仙源縣從治于壽邱祠軒轅曰聖祖又建太極宮祠其
配曰聖祖母越四年而宮成歲時朝獻如太廟儀學老氏
者侍祠而以大臣領之云云得此亦足以見其概矣金天
似謂黃帝之子少皞金天氏玉紐卽綱紐樞紐之義